

雙
琴
堂
詩
集

卷
六五



976449

雙琴堂詩集卷五 七言律

和史竹亭夜話个菴詩並呈个菴主人

陸門山樵著

閉門原自勝遨遊况復庭餘花竹幽耽寂渾忘居近
市能閒底事酒澆愁半窓綠影憐春去一豆紅燈爲
客留誰寫對床揮塵貌爭如李郭羨同舟
欲閱風光謝遠遊高齋誰不羨清幽一簾花影人宜
靜兩耳書聲子慰愁囊爲論交常索寞客緣看竹慣
勾留妙香聞得心堪印我欲煩君洗玉舟

世德堂看牡丹

雙琴堂詩集

卷五

香傳隔院勝燒蘭招賞名花凭寶欄不少中人十戶
賦却輸四世一堂看烘晴院麗春彌濶戀醉陰移興
未闌珍重銅瓶攜伴我彩毫時就絳雲搏

舞陽臺小憩留僧壁

秦武陽故里

誰築高臺易水濱瀟颯風韻怨如新命拚何補危貽
國胆怯何知累及身漫向夕陽悲往事轉教春色笑
征人吃茶僧示西方意古往今來盡苦辛

初夏遊源泉

言尋綠水夏初天森秀雲亭樹蔚然斗酒莫違金谷
數羣賢寧羨永和年歷來臺榭悲陳迹無限烟雲戀

眼前歸路尙餘情未極晚風晴絮致纏綿

咏忍冬花

俗名金銀藤

銀萼金苞各逞新忍冬風味擬蘭蓀三更露淨香無
價半壁烟籠月有痕曉摘雅宜新茗試晴開還耐午
蜂喧最憐小醉微吟候沁我心脾臭幾番

喜雨

疎韻蕭蕭逐晚風吹來膏澤四方同耕叢牧笠平林
外麥浪桑烟遠望中幾樹村容芳草暗一簾花氣靜
階融可知化雨無私沐勃勃生機肯自窮

和曹東旭半畝齋述懷詩

雙琴堂詩集

卷五

二

樹非佳種槩從刪一線青痕認遠山肯逐世情妨愛
日最憐清福是能閒畫禪自寫胸中法豹隱誰窺霧
裏斑歡慰比堂人儘暇曉窓攬翠仰眉彎
草色盈窓未忍刪閉門人擬住深山長貧若解簞瓢
樂少賤惟餘骨力閒睡足有時書散帙醉回無賴管
窺斑就君愛聆風前塵踽踽無嫌步曲彎

咏蜀葵花

小院驚看瑞靄紛蜀葵開遍氣氤氳漾風奪艷千端
錦向日晴烘五色雲粧出欄杆高莫並影映籬落翠
誰分漫言衛足誇知已一點丹衷擬獻君

步史竹亭辭館見懷原韻

底須華榻詡登仙老圃松篁喜故然整我殘書堪教
子却他厚幣轉招賢補牢尙悔亡羊後爛額寧知曲
突前拭薛靜遲知已至坐花端不藉瓊筵

重九上舍留飲

半畝芭蕉萬柄蓮雨餘紅碧鬥鮮妍沾衣客擬來香
國映肉人矜坐綠天頗覺輕涼消暑意更添豪興洗
觥船碧筒勸飲誰辭醉酪酌還思賦會仙

贈振莪鹿丈

忠孝家聲重范陽肯從時世學梳粧耽飢不慣朱門
過倒屣誰容白眼狂書債未酬頭似雪世情難忍腹
如囊此行可有芙蓉幕珍重青鋒劍鏗芒

史竹亭毛希亮曹東旭張仲金遊桃園覓桃不

得遇兩過耶拱亭小飲

屢破蓬蒿莫厭頻一番談笑一番新菽葵尙未殘荒
圃風雨原宜話故人座挹苔痕衣帶潤簾醴花氣坐
爭春貽謀翰墨猶堪展把卷吟哦亦寫神

瑤池桃熟爲誰傾辜負尋芳結隊行三度總教輸曼
倩一樽猶可醉飛英松風六月涼無價雨氣千山翠
有聲吟興天分秋暑妙留題前哲許聯名

新漲

誰挽天河力不勝竟隨風雨寫山城晶瑩岸擁千峰
雪泐湧聲疑萬騎兵可有忠魂鷹弩射直教鼉鼓競
雷鳴乘槎信許張騫泛逗我中流擊楫情

墨梅

果然能事幻而真不減華光妙入神揭得空山寒月
影貌凝秋水淡粧人烟浮紙色香疑動壁滿江風室
覺春肯羨灞橋詩思遠竹爐茗椀就來頻

水仙花

江臯洛浦人何去幻出名花晤曉粧葉剪湘波潒淺

雙琴堂詩集

卷五

四

碧心衷道服褻輕黃幽情未遽全空色冷韻誰憐妙
有香粉白脂紅慙俗態裁詩思逐水雲長

瓶梅

領取江頭嶺畔春新磁淨拭也精神影橫短榻爭余
瘦帖映寒光夾雪真醉後漫疑粧卸晚吟餘偏覺笑
宜頻生機栩栩憑君逗風趣盈簾倍可人

盆松

青葱寧讓柏丸丸顧我渾如最歲寒奪目翠忘窓日
冷學虬偃在雪雲團聲含謾謾風猶待象具巖巖品
早端得遠斧斤堅本性終期人作棟樑看

白桃花

元都觀裏未曾裁，離垢疑將水玉胎。
水面淨拖雲影度，枕函虛劃月痕開。
爭春肯後公門李，傲雪翻超綺閣梅。
彷彿霓裳來度索，武陵應爲築瑤臺。

春草

縱目郊原草色新，拖來淑氣最宜人。
曲分眉黛痕猶淺，遠襯山容翠欲勻。
芳信漸迷籠翠逕，香塵偏戀踏青人。
多勞東帝敷生意，活潑天機逐序伸。

贈袁司馬用其東石橋上韻

代

沐我欣逢化雨天，追陪况復辱忘年。
山因拄笏疑增

雙琴堂詩集

卷五

五

爽官不餘錢，轉類禪。寂寞訟庭帷，寬句縱橫書卷未。
忘緣每從談塵驚，才艷思湧真如萬斛泉。

跡同吏隱意囂囂，回首滇南萬里遙。
幾處旗亭傳畫壁，有時鳧舄望飛霄。
揮毫爭乞晴窗帖，訪舊閒過野水橋。
信是風流多蘊藉，執鞭樂聽馬蕭蕭。

敬義亭瓶梅用晴區九弟韻呈楊韋園夫子

平時立品欲超梅，氣轉洪鈞不待催。
自幸程門曾久坐，肯輸庾嶺讓先開。
香寒未許風吹去，光淨還從月濯來。
位置尊彝知鄭重，等閒桃李詎容陪。

老氣橫人孰與親，塵埃不染信含真。
春藏天地誰能

覺骨傲水霜自吐新放眼頓教忘黯淡餐香還欲沁
心神生機從此參消息漫訝巡簷索笑頻
屈蟠非爲受人憐拂拭殷勤自放妍雪色半簾香外
漾天心一綫靜中傳不嫌擁鼻吟虛室底用焚爐裊
篆烟移近玉壺水鑒畔得邀清賞亦登仙
並萼睽輝尙及時瓊林爭說一枝枝原羞艷態隨凡
卉獨抱貞操慰晚知小閣漫矜芳信報蒼生還切鼎
羹思暗香疎影空雕琢峻節何曾藉贈詩

雪後寄至兒

連朝雪意厲寒威念爾非關未授衣潑眼可能千卷

雙琴堂詩集

卷五

六

映閉門莫負一爐圍梅花靜對參天意菜甲初開識
化機消長箇中原倚伏春光從此釀芳菲

雪夜讀書

漫誇映雪有孫康積學難忘夜正長漏靜最宜人閉
戶窻明遠勝壁分光熒熒照去文心徹簌簌聲中韻
語鏘解得靜時生妙悟掃來還許佐茶湯

曾聞經史足三冬佳趣須知探箇中寒耐深宵梅共
瘦春殘小閣火微紅聽隣有韻諧金石聞我無聲勝
兩風東壓一憑堆尺厚程門佳趣又誰同

輓孫勵山兄

人誰無死慟於君上訴蒼天竟不聞祿養未能酬壯
志科名空使重鴻文膠官匏繫薪傳少蜀道蠶叢雁
序分最是親衰孤且幼哭兒呼父慘寒雲
三世交情最繫思文壇酒陣慣追隨清狂不慧頻遭
忌雅量能涵每怒癡風雨晦明空憶舊奇疑賞析更
從誰天涯地角真遙隔絮酒生芻可得知

丙午初度同人稱觴於雲亭賦此誌感

往事難追祇自憐悠然歲月等流川壯懷浪擲金千
鎰孤陋何堪困卅年貧病相兼愁瘦汲鬚眉如此愧
孤懸知非已覺傷遲暮取鑑前車尙勉旃

雙琴堂詩集

卷五

七

藉爾壺觴破我顏切劘意氣自相關人來兩細風斜
外地據峰廻水抱間千古可傳惟至性半生難得是
能閒魚肥酒美從真率九老者英未易攀
選才太守幾回登橐筆曾吟最上層爲笑霜蹄偏屢
蹶轉疑青眼竟何憑顏唐此日慚余長努力前驅望
爾能莫使山靈嗤我輩祇將觴詠互凌矜
水秀山明足毓奇我生偏苦類肥癡父書衍篋難終
讀雲路凝峰敢遽期知已琴樽聊永日累人婚嫁竟
何時百年易盡羞同腐不勒燕然壽屬誰

喜雨

三春花事怨風霾一夜甘霖春復回鸞尾翠騰新籜
竹星球紅綻正肥梅遙知米價平山市更剪蔬香益
酒盃小醉松陰聽布穀涼生清碧字無埃

笠

緇撮偏教臺笠更輕涼溽暑最關情漁簑細雨曾相
伴牧笛斜陽好自擎卓午行山吟思苦殘宵壁掛露
華清向平五嶽遊如願攜伴詩瓢踏遠程

桑椹

鳴鳩拂羽啄桑陰芳實垂垂擬送春空羨盤分持供
母可能風落復還隣懿筐拋却憐蠶老小逕攜歸競

雙琴堂詩集

卷五

八

露新掬取試參櫻笋會醉中閒齧也怡人

路過王虞三書齋

清溪茂樹好栖遲十丈紅塵隔短籬點綴數叢花傍
砌芬芳滿院兩應時一簾香篆棋聲靜半榻書閒蝶
夢宜莫遣个中虛擲却聖功蒙善本無岐
應教笑我爲人忙馬足車塵撲面黃襪襪乍來人觸
熱肝睢小憇樹餘涼清塵竹帚勞童子慰渴茶鐺趁
夕陽回首奔馳愁汗浹靜觀也解愛流光

聞蟬

虛腹能含宮與商不隨蝶板鬥鶯簧午晴韻自凌高

柳古戍聲如戀夕陽到耳方欣酷暑歇驚心又却客
衣涼吸風餐露知音少漫以鳴秋比夜螿

立秋

何曾結夏鶯工脩高樹涼歸又報秋到耳乍驚梧葉
落關心陡起暮天愁最兒早辨篝燈計顧我誰爲蓋
篋搜幾度槐黃忙未了那堪霜雪欲盈頭

七夕有感

一綫銀河影欲橫佳期爭說鵲橋成誰憐孤月常無
侶何獨雙星最有情天上歡娛人亦妬世間缺陷我
偏驚黃泉迢遞年年恨空憶生前白首盟

雙琴堂詩集

卷五

九

登浮圖遠眺

危塔噌嶮聳石巒午晴逸興一偕攀幾重碧剩遼金
瓦萬疊青連秦晉山誰料脂膏當日供僅怡登眺後
人顏問天恨乏宣城句一縷炊烟竟促還

祖村道上步沙雪湖韻

舊蹟猶傳山路迤興懷憑眺肯輕過着鞭想見澄清
志臨渡疑聞慷慨歌疎柳亂蟬秋色早斜陽古戍旅
愁多遙知越石能同調

雪湖來易爲
訪袁明府

囊得新詩下幔

坡

易城晚眺步沙雪湖韻

輕雲淡抹有如無晚色蒼茫上綠蕪此際拓眸憐塞
雁當年失險笑城狐茂山關扼雙峰峻易水寒流片
月孤市上酒徒應已散高歌漫拭眼模糊

貼梗海棠

春光容易蕩丰姿羨爾嫣紅重自持擬綴晴霞烘老
幹轉憐風雨弱垂絲冶容底事甘飄落小草猶能戀
本枝漫恨無香吟不到胭脂顏色正宜時

蔣式軒案置青苔一器口占贈之

非樹非花孰解憐先生自笑賦情偏入簾草色多翻
歷印屐階痕破未全碧奪雞缸堆綠雪香分鱗髓蘸
青烟秀眉正擬文君黛白白紅紅狂競妍

雙琴堂詩集

卷五

十

荷包牡丹呈西樵

東皇着意寵花王纓絡枝枝佩可方縷結若嫌春爛
漫紉來疑是繡芬芳分明貴品膺魚袋珍重天香括
錦囊橐筆累時徵挾藻鄂君休詡舊時妝

五十初度口占示子

五十年華彈指過齒衰尙不廢高歌樽前父老能餘
幾膝下兒童漸覺多耕鑿未能原拓落松筠有蔭且
婆娑殘編斷帙時消遣肯向人前喚奈何
鬢白年來事硯田傭書幾見手餘錢半生竭蹶愁婚

嫁八尺昂藏愧地天見惡尙期終解免知非每覺悔
徒然桑榆倘得邀天假志切前修老益堅

廿載誰憐壁立貧誤予詎怨腐頭巾求田問舍甘無
計說劔談經幸有人燕市引盃頻耳熟草堂揮塵却
情閨天根月窟容探取黍谷寒回自有春

賣文差免食嗟來飽遜侏儒未足哀自強項時寧咎
命人垂憐處漫矜才蠅頭蝸角從誰覓燕幕鳩巢一
任猜遊學荀卿珍此日脊梁豎起振虺隤

題梅谷上人墨寫山水冊

底須說法着袈裟妙意拈來燦墨花目遍春山輕北

雙琴堂詩集

卷五

十一

苑心溢秋水悟南華欲空色相含毫邈擬躡烟雲逗
願賒萬斛凡塵緣此淨晴窓日對靜趺踟

輓王北一

壁人風度說王郎底事修文太促忙每試冠曹驚哲
匠有時撫帖亂香光劇憐母病難爲別苦望兄歸倍
斷腸丹旒飄搖魂不返眷言令子守青箱

輓燕翁世叔

辛盤薦酒侍逡巡杖履驚拋七十春耆舊傳應增獨
行龍蛇歲果失賢人遙從鷓水聞凶耗細問家書得
病因兒疾纏綿孫遠出憂傷誰說不關貧

母節編成上石渠顯徵大筆藉鴻儒 九重頓下褒
貞詔大吏爭來式里居孝友迄今人膾炙蕭條不悔
自迂疎科頭一任年來懶鄉舉書升事久虛

落拓猶將古道持束脩誰解重人師劇憐粥冷羹分
後正是音乾齒做時盡割膏腴酌夙諾幾遭縲紲爲
心知那堪回首敦盤會雲散風流最愴思
交締前人契有神規予往往證前因勾留話盡三更
月塊壘愁消一盞春藥石可瘳追往日典型尙有屬
何人撫棺莫怪號咷痛誰挽澆風率返醇

西樵分菊見貽

雙琴堂詩集

卷五

五

分根不啻斷黃金勝友無勞冒雨尋瘦影半牀宜我
共愁懷一縷爲君深夢回寒夜看猶起酒倒殘盃醉
復斟晚節幽香須倍惜肯教蜂蝶漫相侵

贈海雪江

羞將裘馬艷童顏談笑欣窺豹一斑爲國身曾拚九
死全家智竟出于山共知慷慨生平慣獨耐蕭條此
日閒鑄鑄才華歸問學功名從古試由艱

書懷用袁司馬韻

小閣紅罍耐歲寒綽然進退是無官攤書舊籍聽兒
讀聳檻晴山倚杖看物外遊心隨處好靜中知過寡

來難蹉跎事事堪惆悵不待燈移酒興闌

晚步喜雪

課兒讀罷向簷巡索笑無梅聊側巾漠漠雲同天釀
雪蕭蕭風急酒宜人魚藏誰把寒江釣壺滿渾忘白
屋貧小醉興餘還覓句竹爐細火若含春

喜五弟和章再用前韻酬之

赤脚曾傳踏幾巡竹樓誰整華陽巾尋梅幸蠟看山
屐載酒何須問字人麥潤無邊應誌喜炊停偶爾未
爲貧詩成有弟才能和不減池塘草賦春

戊辰除夕用袁司馬韻

雙琴堂詩集

卷五

五

穉子牽衣索歲錢牀頭紙裹盡爲捐彩裳疊映渾忘
老村酒難賒暫學禪拚典做裘酌夙逋還將佳韻迓
新年問誰愛我宜投刺贏得蕭閒衣不船

山行

風微雲薄半陰晴有約看山取次行爭怪石多頻碍
步誰憐花好未知名馬防草滑蹄偏穩袖濕香濃露
尙瑩天解遊人愁雨濼烟開翠暖愜吟情
探幽選勝意欣然踏破晴嵐度翠烟山色四圍人入
畫水流一線徑開天斷石淺覓荈根亂斜磴危驚樹
杪懸歷盡艱難雲路近回頭却喜迴塵緣

上陳驛

蕭條村落有如無亂石斜堆樹幾株
堠圯堞殘山驛冷絮飄花落酒帘孤
眸開野色沾村蓋路指荒坵揖
老姬片碣空傳當日事一時興廢付長吁

紫荆關

嚴關險據最高峰城堞蜿蜒翠靄中
天子威傳親閱武將軍望重獨叅戎
松聲壯擬風濤合石狀猗如虎豹雄
信是控邊危要地好思靖遠樹豐功
舊事編摩典冊無殘碑搜剔認模糊
丁公仗節餘杯土羅監題詩委亂蕪
駭耳亂濤聞拒馬浮眉蒼翠接
雙琴堂詩集 卷五 古

金坡道中

傍水隈山路緩行芳村風物最關情
鳩鳴桑陌蠶爭簇兩足磽田石可耕
幾處浣衣喧曲渚一聲吠豹護柴荆
當年鎮重誇金穴何似含飴話太平

考城署中留別路櫟樵

詩禮叨聞憶過庭相看意氣倍縱橫
呼孟燕市傾囊慣闖韻吟壇刻燭成
獻璞我慙頻受別亮工君喜竟專城
安瀾自識安民術櫟樵効力河工已十餘年矣人頌黃河一

笑清

有民有社古諸侯保庶端資富教謀漫倚宏材輕百
里好將遺愛永千秋編氓已喜鴻安渚雅化還看劍
貫牛考城新移於儀封地蓮幕况逢才八斗幕友曹炳係山陰文學文章

政事擅風流

落拓何堪復故然家無長物困青氈衝寒冒雪來千
里握手談心慰廿年蘭譜增輝深繾綣猪肝忘累儘
流連衰遲漫效聞雞舞先着終輪祖逖鞭

曾笑長卿傭保倚那知王粲幸依劉宵寒雪暖姜肱
被客色春生季路裘回首玉芝猶在目玉芝為樸樵京邸軒名

驚心花發已盈頭贈言只有宜珍重陛見行看領

雙琴堂詩集

卷五

五

豫州

衛輝客寓賦謝羅春帆名潮寫竹見貽

小圃曾移三兩竿倩誰千里報平安君裁湘浦烟波
碧我憶山窓雪韻寒好鑿虛心敦勁節還期雅望比
青耳淇泉久羨猗猗綠有斐丰標見筆端

白牡丹應象菴舍人囑

姹紫嫣紅遜此香天然風韻壓羣芳曉簾捲訝初晴
雪晚榻移耽乍浴粧淡泊懷如忘富貴清芬氣欲籠
疎狂臨川玉茗開應似整頓歌筵莫惜忙

疊前韻酌張仲金

錦繡堆中別有香
曉風清露綻瓊芳
玉盤自信真名
貴國色何曾藉
艷粧明月樓疑
天女見清平調
憶謫仙狂擘箋咏
競霓裳曲擲笛
偷摹笑我忙

袁明府以詩謝芍藥用韻答之

不惜花畦剪去疎
胆瓶好伴散衙初
留春香繞清風
袖勸酒紅沾錦
繡裾此日鄉思
情未減他年金
帶瑞何如須知
相贈非相諶珍
重瑤章頌樂胥

酌許晉齋枉過

題鳳方知客到門
虛勞文旆耀山村
庭餘松竹前人
澤居穩蓬茅
盛世恩紅瘦綠
肥春欲暮草深
苔合

雙琴堂詩集

卷五

六

屐留痕芬芳共
惜傳佳咏翰墨
香招花魄魂

竹園

此君丰度幸平安
問主無須獨倚欄
匝地影疑堆綠
雪憂雲音迓叶
青鸞誰參玉版
香撐腹擬釣鰲
頭手把竿个裏
行厨期後約琴
彈明月嘯秋峩

謁孫徵君祠

流寓高賢足繫思
窮山荒谷有專祠
周旋黨禍非同
俠堅却徵車若恐
繼一代之名臣
皆弟子千秋道
脈重師資廉頑
立懦風猶在興
起何嫌生較遲

偶占

深居委巷少人知倦讀閒探野趣宜溽暑欲收風漸
爽茂陰取次坐頻移晴光透樹微參悟變態看雲亦
解頤畫意詩情空會得總教拈出却誰貽

蔣二如先生過訪適以他出不遇

柴門爭說繫驂駢却怪緣慳一面謀人影不從花外
轉衣香疑向座中留茶烹古鼎聲猶沸屐印青苔跡
尙浮鄙吝未消惆悵甚湖洞不啻水盈秋

秋日雜感用舊雨草堂集中韻

蕭齋如水念皆冰兀坐孤眠竟似僧自笑才疎難夢
筆可知怨集尙煩繩低吟依壁還輸鶴勁翮翻空枉
羨鷹好是金風頻薦爽不須拔劍逐青蠅
呼牛呼馬論憑公鎮日支頤擬據桐冷韻慣聽蕉滴
雨好音時有鳥吟風知希我貴誰相信詩不能工愧
說窮攬鏡自驚霜點髻壯懷空擲酒盃中

灌園刷藥力全傭文戰偏遭屢挫鋒也解守株空待
兔那能遊岳竟扶筇竿頭憤鼻人嗤曝午後霜杆我
未春聞說三冬經學足青燈黃卷理重重

誰許同登百尺樓餐冰宿露舊曾遊奚囊剩有登高
句瘦骨空擔贈別愁紫蠟黃花爭買醉白雲紅樹獨
吟秋試看葉落歸根處底事眉端心計稠

賤辰感懷

未週花甲便衰翁藥裹茶鐺日月匆詩思偶尋飢渴
外壯懷空擲笑談中勤能補拙誰鞭懶才不如人自
可窮樗腹散延岩穴歲一憑匠石晒疎空
病軀謝客掩柴荆嬌女癡兒進一觥典却衣釵謀旨
蓄袖來瓜菹競高擎環階羅拜多孫子入座團圞老
弟兄境地這般殊自愧耄耋箕帚孰忘情

一醉更深宵鼓搥夢回往事費咨嗟風飄敗屋荒三
逕塵壓遺書負五車奔走半生人欲老桑麻十畝願
仍賒韶光既去翻知悔末路難贖一念差

雙琴堂詩集

卷五

五

漫憶當年玳瑁筵樽空客散減周旋侏儒常飽應余
傲豪俠無能祇自憐曾向風波舒眼角更何芥蒂穢
心田聞知寡過工夫好寡過還期天假年

懷楊韋園先生

敝袍匹馬赴黔中忽掛彈章嘆路窮儒術於今原柄
鑿官方自昔尙圓融空教邊檄傳強項誰向關山恤
滯蹤回首十年函丈切關心萬里夢魂通

歲暮同舒伯西繩孫登舊城有懷趙梁若昆季

此際登臨最繫思廿年回首夢迷離依稀凍雪埋前
逕指點寒雲認舊祠偕手狂歌人剩幾支筇瘦影我

如斯廢興且莫衡今古前度豪情今已衰

喜晤毛鳳巢大弟

弱小睽違悵各天雲箋望斷海東烟勞君不遠千餘
里慰我相思二十年風貌乍驚還彷彿襟懷直訴却
纏綿不堪回首庭闈恨同病相看倍可憐

父書能讀信推伊斷杼何須藉母慈拔幟文壇驚哲

匠

趙鹿泉學使
刻其試草

解頤家學擅經師

鳳巢家居
授徒自裕

劇憐風

兩門常閉何似圭璋寶共知慷慨題橋馬首北爭看
銳穎脫囊時

假館相隣過從宜有疑共析喚書癡邀君慣踏三更

雙琴堂詩集

卷五

五

月益我寧惟一字師搜括遺文珍手澤低徊舊札見

鬚眉

鳳巢時錄其先太史肖
峰公寓易舊作見示

應知兩世論交舊不數

人間填叶箎

館孤峰寺示同學諸子

聞道無能悔已遲丹鉛舊業聊提撕口傳幸我猶存
舌心契惟君自得師學足愈愚勤乃獲基惟慎始遠
相期前人有語堪紬繹易去難回是少時

法界寧容塵跡留借棲僧舍亦清幽晨鐘暮鼓如提

耳水色山光任拓眸若解拈花曾試笑可知登岬在

回頭功深面壁方成果磨鐵磨磚最好修

九弟以園花見之作見寄用韻答之亦以書懷
灌溉栽培幾度秋風番廿四總開愁幾枝爛漫春光
麗半畝芬芳祖澤留可有村醪酣月下還聽好鳥韻
稍頭傷余索寞禪關掩輸爾豪情醉且謳

巖花紅紫也枝枝冷落風清月白時未免有情只獨
往絕無可語一偕之名呼野老聽多舛香淡空山笑
向誰歸卧自尋春草夢擷芳何處寄新知

奉懷蔣式軒先生卽用其和九弟韻

真教一日似三秋乍接雲箋頓放愁花藉錦囊增艷
冶春緣佳句得勾留珠璣貽我珍餘篋丰度懷君月
在頭角黍蒲樽佳會好擬從大呂奏童謳

雙琴堂詩集

卷五

五

僧寮寂寞借棲枝每憶清談捧塵時一月春風曾坐
也此生何樂復知之懷人不見空觀札有夢難憑却
訴誰讀罷新詩增悵望後凋須到歲寒知

默思以探山洞詩見示因吟一律贈之

選勝探竒鑿鑿哉不嫌醫國技長埋鶉衣蓆帽雙肩
聳鳥道羊腸兩屐開不信村厖談虎跡樂探仙洞迴
塵埃方鈔肘後應增價留自烟霞窟裏來

冷岩杏花呈徐聖宣

丹杏曾聞向日栽空山寥落爲誰開淡烟拖影如流

水老幹撐擘欲競梅紅簇絳雲烘日麗粉飄香雪在
烏猜縱饒有語兼知笑可有探花及第才

舒莊溪過訪贈別

離羣誰復憶鷗盟喜爾來過倒屣迎瘦影搯筇輕百
里蕭齋煮茗耐三更偶思舊事同增慨各出新詩互
索評却恠明朝輕別去蒙茸磈确一人行

謝李昌老餉花糕

無餘底事費吟嗟擎向書齋馥齒牙艷疊雕盤真似
繡香吹雲朶果如花何時法酒偕恩賜若兆紅綾
裹餅誇夢得題詩猶未敢拜嘉叉手愧才華

雙琴堂詩集

卷五

三

阻兩宿郝振兄書齋

阻我歸途漲正瀾高齋徑叩慰離思滿天風雨呼罇
急四面雲山撥墨竒到此頓生槃澗想如君方許笑
談宜北窓漫擬羲皇夢承夕無慚妙句貽

遊柏林禪院贈寶上人

詩思欲浣叩禪關不拒塵踪佛境寬瑞茗盃芬憐淥
淨旃林暑盡耐雲寒勤同農圃原羞募悟澈虛空每
靜觀題壁敢期紗罩字擬從蓮社結清歡

登柏山

選勝名山樂不疲葱蘢佳氣鬱晴岬翠明遠岫矜新

沐雲勾竒峰隱舊祠芳草馥吹翔鳳子落花風鬣舞
虬枝洞餘丹竈人何去金粉常留古畫披

約勝口村于翁招飲

暑雨新晴遊屐宜人風物淨如揩凌溪曲曲尋石
石問徑盤盤繞翠崖深巷疎籬雞犬靜蒼顏白髮弟
昆諧園中蔬佐床頭酒場圃桑麻話總佳

高八兄分俸見貽詩以謝之

曾笑猪肝累故人何當清俸數爲分三旬九食原宜
我一諾千金獨有君肯羨侏儒同曼倩還將盞粥傲
希文鑄翻煮字香炊稻推食風高頌薄雲

雙琴堂詩集

卷五

五

謝崔大弟惠酒

百錢掛杖願徒虛地僻何緣問麴車珍重碧筒勞遠
寄分明紅友快相於看山好助吟情健醉月應教旅
闕舒頓起文園消渴疾飲醇飽德感何如

孤峯寺度夏

非關息六擬圖南知困聊依僧借龕柏影半庭寒似
水簾光一桁翠拖嵐好風頻覺生斬葷熟客何由接
塵談說法曾聞能點石貪眠長夏我懷慙

也解隨時愛景光課餘何事費思量日蒸花氣蜂喧
午風靜槐陰鳥契涼坐石看雲欣意適荷鋤歸月憫

農忙一聲鐘動催齋急若個心輕薑杏湯
三春彈指已輕過底事虛空喚奈何書讀樹根移茂
蔭步尋溪畔試晴波忘機鷗不驚人語映案螢知辨
字訛結習未忘慵課夏不違內典譯多羅
少壯誰經稼穡艱祇今無計縱遊觀萬峰影伴孤筇
寂一徑雲生六月寒採菟兩餘時供七賣蝦價退偶
登盤先憂後樂思前哲麩粥隨緣敢自寬

行龍華道中

蓆帽芒鞋策瘦藤山居旣久耐山行晴波處處鳴阿
濫細路行行撥紫荆關塞市通秦晉遠烟嵐氣靜水
雲清前村隱現峰迴合蒼翠沾衣自適情

雙琴堂詩集

卷五

五

雨後孤峰晚眺

急雨纔過景物鮮最高登處侶飛仙兩眸浩盪雲如
海一氣青蒼頓接天霞散片紅爭返照鷺飛雙白破
暝烟懷新禾黍知農慰早爲秋來慶有年

寄李彥老山居

占來清福愜清心城市囂塵未許侵千岫翠宜游遠
目萬松響自答高吟旨甘弋釣真餘事師友家庭詎
外尋破帽疲驢向日訪盪胸除垢踞雲岑

笑我疎狂不自量轉如野客借僧房慵書米帖憑炊

斷盡典春衣，性晚涼。縱有溪山開倦眼，共誰風雨話。
聯床機雲入洛，如相過。樽酒論文願洗囊。

憶孫

半如聰慧半如癡，相送頻言歸莫遲。每到沉吟掩卷
後，輒思嬉笑挽鬚時。譴呵畏母應懷我，瓜果分甘更
憶誰。准擬秋歸欣保抱，好從膝上授新詩。

同人釀酒於金坡頓下邀賞野蓮因賦

仰止蓮溪解愛蓮，山坡十里步蜿蜒。人來微雨疎風
後，花放崇祠冷驛前。渺渺水雲香自遠，依依鷗鷺靜
堪憐。問誰畫漿蘭撓採紅映殘霞，碧籠烟。

雙琴堂詩集

卷五

五

樽榼頻隨柳蔭移，晚川斜照戀芳姿。依稀洛浦凌波
態，髣髴江臯解佩時。獨立靜恁風冉冉，懷清獨濯水
澌澌。調冰雪藕渾閒事，就裏還生君子思。

曉起卽事

六月人無襪，襪來禪關靜。掩少疑猜好，風涼簟眠初。
起細雨，閒庭茗一盃。山色望中憐，黶黶詩情空際費。
徘徊鳥聲聞，寂花垂砌。書韻琅琅，鬱頓開。

雨霽

雨止蕭騷風歇鳴，拓窓遙望不勝情。白雲劃斷千重
翠，殘照斜開一段明。餘滴尙煩蟬韻曳，乍寒頓覺葛

衣輕繡膝無限參差碧
泥露烟光繪晚晴

雨中有懷卽寄東園晴埜兩弟

重復溪山歸路遮
禪關偶寄豈無家
月沉花落僧耽睡
翠濕寒烟鳥不譁
詩酒懽呼空夢想
弟兄咫尺似天涯
窮途未肯心減
覓紙裁詩興自賒
平林吹響韻淒淒
客色蕭條鄉思迷
老屋知難風雨蔽
童孫誰慰餓寒啼
書殘度閣香愁濕
豆掛疎籬碧想齊
何日月明沽美醞
槐陰竹影互拈題

餞春

競欲留春願竟違
餞春忍看落花飛
寧尤風雨無端

雙琴堂詩集

卷五

五

促端惜韶華一擲非
烏散雕欄紅欲盡
子垂寶樹綠偏肥
村沽賒得拚教醉
助我豪吟祝早歸

夜雪

頓覺寒生殘漏中
竹風簌簌韻玲瓏
遙憐幾樹梅爭白
靜對孤燈火自紅
驢背詩思誰有約
枕函書卷我求通
明朝准擬呼童掃
好藉茶鐺話歲豐

鄭周彥世叔招陪菊宴賦呈

寥廓霜天藉爾撐
柴桑風貌豁幽情
縱饒有色非爭艷
竟可凌寒詎慕榮
對影渾忘人亦瘦
餐英自覺粟堪輕
淡如好勗交情久
疎落羞耽隱逸名

煎餅

牢丸不托譯方言，妙製終輸薄薄煎。
映字乍疑光籠月，拭刀轉惜軟逾綿。
那能都尉酌盈筥，自凜王公怒去緣。
珍重餘猶克晚食，紅綾裹餽望懸懸。

春冰

春來應是易消冰，初試東風凍尙仍。
細響久通泉脈動，漸融不碍浪花凝。
香涵碧藻渾如幕，影透游鱗漫訝晷。
會得豁然開有日，龍門在望擬先登。

賦得寸燭

展卷宵深忘漏長，燭華競寸影輝煌。
餘明照勝隣燈，借細燄騰爭祿閣。
香刻處堪矜吟興，捷乘來較比夜遊。
強此中耿耿須珍重，繼晷常常惜此光。

館樂業堂示同學諸子

踪跡年來類水萍，只贏兩髻點星星。
依人才遜登樓賦，失學心慙訓鯉庭。
黯淡丹黃皆手澤，依稀夢寐憶前型。
書香一綫誰知續，老我無成媿說經。
道水名流遡昔賢，祖生曾艷著鞭先。
功名早卜宵中起，慷慨今猶天下傳。
刻讀原求書有用，相期還望鉅能肩。
搆齋好憶蘇湖教，努力前修澤自綿。

咏藤蘿寄方靜齋

應笑纏綿附柏松，自餘清蔭一重重。
花垂紫葍懸仙乳，幹聳青鱗走螫龍。
蒼翠影函秋水靜，鬚眉人映月光鏗。
問誰揮麈匡床座，玉屑高談我欲從。

步方靜齋落花二首

小圃森森挺竹孫，朱明長養煥新恩。
紅飄空惜隨流水，香杳從誰覓返魂。
幾縷情絲猶繫恨，半庭飛絮已迷痕。
別懷離緒知多少，買醉還思下若村。
莫遣啼鶉析木津，追歡悔不及芳辰。
依然歌舞繁華地，頓覺風光惆悵人。
韻繞金鈴空護檻，夢回翠羽自憐春。
遙看杏子垂垂結，景物清和迹已陳。

雙琴堂詩集

卷五

三

展墓有感

春露濡濡展墓門，蕭騷風樹最消魂。
幽潛未表常堆恨，跪拜粗知幸有孫。
嗜好縱思違色笑，苾芴空爾藉蘋蘩。
慙余遲暮嗟何及，三復瀧岡拭淚痕。

訪安溫如留飲

柳絮榆錢慘徑明，名園竟入笑余儉。
青樽頓合賢賓至，白髮相憐老弟兄。
燕市漫遊誰識駿，石田無歲強爲耕。
斜陽促別猶慵去，就菊重陽約復盟。

方靜齋留飲且賜佳咏步韻鳴謝

何如吹律轉寒風，得飫清談擬正蒙。
堂上經傳老博

士階前才竝小安豐履穿笑我吹竽濫斤運輪君斲
鼻工最愧郁厨芬齒頰竟無瓊玖報情隆
居隣鬧市靜如村想見持家古道敦詩擬淵明惟紀
歲客非王粲詎開門那能賦奏文園令祇解鯨吞北
海樽欲孽雲箋還瑟縮懸拚將熱笑胡孫

訪崔景中於半壁店

暑退初秋興洒然芒鞋蓆帽步蹠蹠人來細雨斜風
外路覓濃雲濕翠邊半載澗懷樽酒話一宵涼意草
虫憐景澄氣爽人休負丹桂香從箇裏傳

訪李沂川於源泉不遇因留宿有本書屋

雙琴堂詩集

卷五

五

肯緣歲暮嘆途窮訪友山坳獨拄筇予予人防穿屨
确委迤徑覓趁朦朧書帷靜闕虛窓白爐篆香溫細
火紅幸是候門猶舊侶款賓雞黍挹高風

沂川企徽聞余至卽歸約同赴南伯陽山

走札寧如律令催喜君竟撒綺筵回劇談不厭村醪
濁選勝渾忘老病哀山色靜同僧入定村烟靄送鳥
飛回撥雲更造幽人室早有書聲到耳來

潘氏昆季留飲卽宿杏錦姪館中

雅築宜人事事佳塵襟到此一開懷詒謀久羨農桑
業競爽還欣俊秀皆應鑒十年吟鏡苦佇看睽翼向

雲排

時值州試

三槐五桂休相詡騎省才華孰與偕

投豁情豪禮數芟深盃午夜尙教啣相歡互作藏鉤
戲善謔誰嫌譚語撓撲鼻好香傳杏萼占春佳卉報
雲岩紅燈綠蠹賒三月嘉會重期屬阿咸

水仙花

不羨羅浮夢遇仙自標清格浸淪漣羞隨桃李穠爭
艷肯與鳧鷖漫結緣粧素靜涵殘月影香寒淡籠暮
江烟傷然別有宜人韻淺碧波凌致靜娟

豈借鉛華襯額黃依稀擬住水雲鄉開經臘雪梅同
傲展到檀心桂遜芳對影漸教空色相可人每帶淡

雙琴堂詩集

卷五

无

梳粧幽齋藉伴忘蕭索落窻中函臭味長

山雪示兒

山坳蕭寺原沉寂况復連朝雪擁扉深夜寒能輕酒
力敝裘温不敵風威乞僧敢望紗籠壁課子還期學
忍飢經史曾聞冬日足青螢燈火莫嫌微

題楊毓之寫惠據梧美人

稠桑妙子事關懷貌出真真宛托腮清思欲同秋色
淨素箋欣映曉雲開果然萬喚呼能下誰道千金買
得來茗椀薰爐窺髻影依稀夢裏倩魂迴

過楊忠愍舊寓

問誰忠鯁景前修委巷能教姓字留胆比蚺蛇加百
倍香緣柳鎖重千秋卜居當日原耽寂過客於今轉
拭眸何似鈴山堂寂寞空詒笑柄說東樓

遜翁表叔留飲於四宜山房賦呈

常恐囂塵駮素情深林卜築豈逃名清言誤事曾焚
塵力食非迂自樂耕問雨課晴隨報賽談忠說孝享
昇平山中相業徵前事共識儀型賴老成

爲高爲下得因宜山自堪屏水自池敗興何曾來俗
客肯堂况是有佳兒璧珠交映麗眉豁耕讀咸宜式
穀貽試問市城紈褲輩南陔華黍誦憑誰

雙琴堂詩集

卷五

三

地隣邊鄙仰山崇君子居之俗不同讓畔德能薰里
巷知書教已遍兒童床頭臘酒蟻浮碧簾外春光杏
蘊紅觴詠試探雞黍約山人頗具古人風

春寒

几攤殘卷任夷猶料峭偏教冷意颺影濯月光溶似
水庭閒雲影淡於秋游人何處尋芳草瘦骨依然戀
敝裘風雅幸逢東道主開樽闡韻豁眉愁

小閣紅爐自解溫寒春情况漫爲論行人問酒非關
雨野老依牆尙藉暄雛鳥怯風音每澁天桃斂馥萼
空繁耽吟擁鼻渾成癖任笑衰殘嬾出門

孫紹兄餽野雞挂麪感懷有作并示藝兒
承筐嘉惠誼隆師可媿攜壺就問竒妙射翬飛輕落
羽巧團玉屑細於絲回思半臂謀湯餅莫報當年烹
伏雌香滑漫徒矜七箸文章密理个中期

春雨

寒來未許試春衣如線如絲日日霏魂斷行人沽酒
急雲迷山市趁墟稀一犁潤足隣驅犢三逕泥深獨
掩扉浙瀝聲中慵就枕擬催桃李綻芳菲

卜日掃墓未能躬奠感賦

春露濡濡拜墓晨關山百里阻艱辛半生庸碌輸先
著卅載丁零嘆鮮民風木悲興空隕涕蘋蘩薦薄尙
因人縱饒地下能相諒負疚難贖自愴神

館中卽事

歷盡盤紆乃曠疎拓眸真使客懷舒蒼松濤溢斜陽
外香稻畦開萬畝餘歷落雄關函翠靄嘯歌盤谷漾
晴虛軟紅十丈從教隔底羨蓬瀛萬丈居

額以清娛信有詞音傳山水足幽思溪聲拍枕疑湘
瑟岫翠懸窓映謝詩疎雨釀寒微醉好晴烟拓遠薄
遊宜置身恍入荆關畫可許心從造化師

賓至如歸爲玉諧盤餐瓊細日安排射來半翅肥無

敵鈞得重臆旨且嘉粲粲粒分江上稻絲絲穢采首
陽菱迴思畫粥蕭條寺清福能耽亦歎懷
口慚期艾腹膨脝養正功疎負友情傳印問誰參慧
可解頤枉自羨匡衡遺書欲讀傷遲暮稽古頻勞懼
晦盲知困還期相長益青藍冰水望諸生

詠牛

象昭坤德載羲編柔道無牽豈待鞭放自桃林周偃
武歌傳齊國霸求賢曾緣耕藉豐粢享况應星垣次
斗躔負軛莫嫌頻舐犢端期駢角用山川

賀鄭姻伯與千叟宴得 賜竹杖文綺等物

雙琴堂詩集

卷五

五

藜杖安扶到日邊青袍香染御爐烟座聯鷓鴣同三
老詩燦雲霞錫九天爵醜趨踰欽帝胄珍饈饌抵
瓊筵頰顏白髮逍遙態不減蓬萊會上仙

疊承筐篚沐恩榮寶墨題封潑眼明璀璨尙昭雲氣
壽將扶彌覺谷音清芬餘懷袖鄉隣羨珍并尊彝玉
貝輕况是 聖懷殷祝哽 恩榮人瑞煥簪纓

賀閻生游泮

衣染芹香煥碧霞功名發軔自堪嘉迴思雪案功無
負矯首雲途路正賒漫以冠裳誇里巷可知問學渺
津涯新礪更礪先時器步向蟾宮掇桂花

長橋山永安寺看杏花

莎澗松岬蠟屐通爲看文杏叩禪宮根依淨土塵無
染開并慈雲色未空想見釋迦拈示笑轉疑天女散
因風蓮台日傍承甘露應薄牆東袖半紅
長橋疑與午橋通碎錦春深鹿苑宮自有妙香堪入
定不妨活色未全空名誇及第殊凡卉人爲探花醉
暖風覺憶瓊林正開宴阿誰十里杏花紅

夜雨

如墨雲屯勢鬱盤茅簷浙漚攪人眠頻移書帙防牕
破小蕤松枝續燭殘街漏聲耽蛙聒耳荻簾光逗水
雙琴堂詩集 卷五 五

曉霽

雨收霞見縱晴空曉起襟披習習風畫出眉峰青裊
裊擘來雲絮白蓬蓬懷新碧野苗如拭洗翠苔痕繡
自重泉絲可知生意足擬從登眺句能工

盤陀寺

繭足難登百丈關梵宮中道萬松環茶甘小憇風塵
客窓翠遙通秦晉山乍到頓慙名利絆暫過偏戀水
雲閒振衣直欲凌千仞絕頂高吟倍豁顏

草店橋

破帽疲驢柳岬循殘碑拂拭字猶新當年邊警勞郵
傳此日風光藹暮春碧水流分燕晉界黃茆屋老牧
樵人那知野店帘明處留醉村醪看遠陂

水店村

蟹緯漁蕭莫漫疑江村風景繪圖宜春糧底是親操
白抱甕無勞自灌畦雲影碎浮沬女掬天光靜範綠
楊垂最憐栗烈水無結活潑長生智者思

秋雨

淒風苦雨動秋宵燭剪西窓倍寂寥砧杵聲傳閨怨
切雲山路斷客思遙寒虫靜砌鳴偏咽晚卉疎籬艷

雙琴堂詩集

卷五

詩

頓消兒女號寒衣未授依依歸夢爲垂髻

豆萁瓜蔓委籬籬暑退涼生韻倍繁若惜燕歸留且
在劇憐鶴夢冷難溫築場爭怨天如漏種麥還欣地
有根我趁餘閒終一卷會心偶到亦忘言

寒瓜

栗薪蒸在苦無情秋老寒瓜取次生屋角碧垂疎雨
重霜稜紅綴晚霞明防稀未忍教頻摘果腹相矜等
大烹旨蓄御冬還鄭重黃梁炊熟案高擎

落葉得劉字

到耳千聲總報秋就中落葉最關愁山空影遞雲中

雁江冷吟傳楓外舟擬示紅塵知解脫漫勞白帝事
虔劉低徊尙有歸根戀肯劇飄蓬散漫遊

再得漚字

霜醉楓林愛晚秋無端蕭瑟逗人愁艷消目斷東牆
朱觀冷來疎前度劉縉帚掃來烹雁竈學書堆貯寫
經樓疎音怪底涼如雨點向寒溪類水漚

秋海棠

疎籬涼露任宵沉別具嬌嬈韻碧陰消瘦寒猶凌九
月輕盈笑自值千金不爭春艷非無色獨裊秋光自
有心百媚柔中剛百鍊漫疑思婦淚涔涔

雙琴堂詩集

卷五

三

簑衣

不漏何須恃瓦爲青莎織被號牛衣午晴碧藹疎林
挂暮隴寒衝急雨飛釣雪擁如蘆被暖臥雲涼泛月
波微最憐對泣痕猶在脫白無能願尙違

和李耕雲紅葉韻

潑眼紅灞霜後林醉楓葉燦最高岑渾忘落木秋將
老轉擬探花路又深點綴白雲明遠寺斑斕青嶂艷
清吟朱霞天半窺詩格絢爛偏於冷處尋

鷓鴣

色尙元黃產北羌黨同伐異殺名揚觸邪有意眉恒

豎惜羽無心尾任長健門底誇盲左麗辨頰端借說
文詳漢庭彰武宜名卉不比爲冠聚子臧

不灰木火爐

木質如綿絮石深搏成雅製重山林攜來暖手輕如
雪爍以烹茶硬比金寒夜春回重續炭書帷光燦更
煨衾鼎爨結伴真非俗細領薪傳不滅心

咏蟹

憑藉秋宵佐詠觴二螯八跪買盈筐持來入喜杯浮
白映去花看菊正黃郭索行消秋水籩綺羅筵伴晚
橙香咀含那懼螭蜚誤十二圖經說呂元

雙琴堂詩集

卷五

美

題燕桂表弟耕讀堂

半耕半讀信貽謀揭以名堂勗好修藜杖偶燃天祿
閣稼雲爭擁稻孫樓笠簔人入烟雲畫金石聲傳風
雨秋勞力勞心均裨益羞將逸諺惹嘲咻

哭躍如兄

文壇哲匠詡鴻才底事雲途志頓灰卅載痛榮炊曰
夢牛生骨瘦斷鴻哀囊殮取給資修脯貧病相仍絕
往來此去泉臺逢令弟相憐師友道彌衰

塔兒驛

路入雲中最要區駝鈴絡繹販商趨駕梯飛遞痕猶

在羽檄驚傳事已無野店酒沽談虎客沙溪昏繪捕
魚圖耕桑久見人安業山水清音聽自娛

浮圖峪

浮圖高聳擬山形設險曾聞備甲兵白草迷離殘戰
壘寒雲歷亂綴荒城濤翻拒馬轟雷遠翠接蜚狐峻
嶺明買犢賣刀耕種久崎嶇山均樂昇平

冬日行盤石道中

依然春日路迴環此際風光慘客顏石激清聲奔萬
馬雲含雪意肅千山幾家茆屋明松火一陣寒鴉落
荻灣攬轡垂鞭行未歇早看茅屋掩柴關

雙琴堂詩集

卷五

七

客程薄暮轉心馳爭奈途艱力亦疲怪訝石形蹲虎
豹寒憎水屑上鬚眉危橋怯馬增惆悵窄徑驚心數
轉移幸見樹林燈火處可容勞足借棲遲

宿王聘兄書齋

日暮山途宿宿殷高齋竟爾叩幽人屐開積雪寧煩
掃坐擁薰爐頓覺春雞黍情懽更耐永市城塵滌酌
忘頻剡溪訪戴歸何遽較遜今宵樂趣真

聽學子夜讀

曾聞拔劍舞三更何似殘編就短檠爲惜分陰思繼
晷肯虛寸燭耿窓明琅琅未許風吹斷歷歷遙同漏

滴清回憶九熊勤苦勗書香世澤最關情

留別燕桂表弟

惜別芳樽酌幾巡塞垣詩卷喜增新松風六月全無暑雪片三春尙怯人客况漸知勞世險癡懷轉碍舉家貧丁寧一語應留意玉樹栽培慰老親

館山如草堂示諸同學

衆雛一老笑宜騰饒舌端羞稗販僧字不識竒誰載酒學期相長喜來朋終輸孤竹識途馬空羨華嚴大智燈風雨切磋須努力好教司馬論書升

四面雲山助養恬衰年勝概竟相兼清暉淡宕娛三

雙琴堂詩集

卷五

美

逕疊翠烟嵐擁一簾攻玉人猶知藉石上竿我任笑如鮎隨時愛景須珍重決策寧煩卜鄭詹

春雪

三冬曝背忘簷窮贏得春深雪兆豐點向花明勻並兩輕隨絮墜靜無風陣低歸雁疑沙白酒間前村失杏紅最喜倚扉農共語潤深麥隴氣和融水綃敷地擬方諸掩映新紅菜甲舒村色淺深更眼界寒寒峭峭襲衣裾尋芳屐且遲花逕清話人猶擁竹爐莫便傷春翻刻意呼觴剪韭樂何如

皇八孫過訪恭紀

授徒餬口乏相於忽報冠裳耀索居珮玉鳴鑿來
帝胄和風甘雨釀蓬廬仰瞻霽色真披霧得飭清
言勝讀書却笑虛名勞遠採祇羸青舄重鄉閭

喜李來七過訪

縈懷別緒竟年餘意外相逢一攬裾冒雨不嫌泥徑
滑劇談好趁月窓虛腴容羨飽天厨饌滿腹欣多內
府書才遜鄒枚惟課讀唇乾何似自經畝

寄懷李燕桂表弟

悵悵關河行路難銅川鐵嶺燕桂所居附近村名望雲端晴收

紫蕨堪供膳夜積烏薪好禦寒謂王安鎮青帘頻入

雙琴堂詩集

卷五

五

夢長橋山名丹杏幾回看輸君攜榼酣蒼翠半翅重腮

美簇盤

珍重離情兩度春首回嘉會思牽頻豪曾屠狗留髡
醉韻且分曹舞柘新俠客呼盧今剩幾山花耀首復
何人傷懷莫便空消瘦耕讀傳家未遽貧

經佟氏墓呈其令嗣

水複山重路曲紆佳城鬱鬱卜非虛月篩松影翠
密翠疊烟嵐瑞藹餘早誓貞操依丙舍可知風木泣
臯魚終身慕結情無限事死如生奠厥居

六十六歲生日偶成

韶華回首歲如流孤露驚拋四十秋余自廿二閱歷

方虞才甚拙錯盤猶幸骨難柔路旁慣惹揄揶笑淵

底何來象罔求剩有夢魂仍壯志醒來惶惑不勝羞

其二

懸弧聞說慰重闈余生時大母在堂愛惜甚至摸撫頻誇骨格肥

豈料遭逢人暗箭總饒竭蹶願終違斤斤自好原多

謬落落懷方未便非大母清操貽厚福均安兩字

念依依

其三

却羞搔首問青天咄咄書空孰解憐昏嫁經營囊已

雙琴堂詩集

卷五

甲

勦莽功哀戚苦頻牽二十年來雁鴻影斷悽中路五弟

八弟俱已物故孤寡聲悲慘十年至見天沒幸是閉門無外

侮食貧居賤任連遭

其四

經史何曾腹滿儲螢燈雪案負三餘聰明自錮同長

夜近因兩目失明過失誰規嘆索居潛德未彰常愧怍先教論君

墓碑闕文未豎長貧不悔日慵疏癡兒強欲添籌祝却鬱聊

憑一醉舒

雙琴堂詩集卷六

七律補遺附五七言絕句

紅梅

施朱施粉總非倫
換骨丹砂詎受塵
色相未空香自妙
水雲仍舊韻偏新
晚江霞映人忘冷
晴雪枝酣鴉訝春
官閣漫誇何遜咏
壽陽點額最丰神

謝陳耐菴贈湖筆杭箋

象管金箋艷舊聞
頽來千里感殷勤
午窓晴撫雙鉤帖
斐几光生五色雲
翻恨學書池未黑
敢誇闔韻錦成紋
鼠鬚繭紙同珍重
想像螭坳副右文

雙琴堂詩集

卷六

一

同盧正路表兄徐階平符麗三小飲半畝書齋
話舊因懷曹東旭

藤陰團坐話斜曛
風景依稀憶故人
筆底烟雲悲散漫
卷中投贈付埃塵
撩眸叢菊畦仍舊
回首聯吟事日陳
最是年華同電火
滌囊呼酒莫辭貧

過訪王虞三留贈

掄才哲匠許能文
棄養翻然樂食貧
肯爲虛名拋歲月
儘教傲骨歷艱辛
披篔簹慣助兒耕
石炊午還偕婦負薪
羸得倦歸清夢穩
破窓風雨葆吾真
鼠臂蠅頭覓總差
息機抱甕亦成家
耨苗理穢衣沾

露壁鑿分光手續麻屋漏每牽瓜蔓補牆傾且倩岫
雲遮未忘結習憑隣笑一卷頻攜就月斜

九日書懷

帽整龍山事已遙孤亭強步效登高橫空勁翮欣看
鶚吹葉寒風擬勸醪幸少催租人敗興可能拈韻獨
題糕菜萸醉卜明年健菊宴還期着緼袍

聞徐階三偕諸友覺山登高

遙知嘉會趁嘉時尋菊丹邱事正宜此地雲山原迥
絕當筵風雨任迷離聲傳落葉誰辭酒句欲驚人爭
賦詩應笑邠翁偏敗興悲秋無那獨支頤

雙琴堂詩集

卷六

二

秋暮感懷四首

才非宋玉詎悲秋觸目興懷欲寫憂雲斷雁行風破
陣水寒鴛夢蓼迷洲誰尋勝友開三徑自揭疎簾控
一鉤顧影徘徊傷落拓怕聽蕭颯漫搔頭

勞形忽漫髮星星往事追維亦杳冥關塞風雲曾射
虎瀟湘烟水亦揚舲壯遊枉自輕千里皓首何堪守
一經霄漢高鶩秋鶚健短檠殘簡笑熒熒

百感爭秋不可聞淒風苦雨慘離羣登高買醉朝衣
典作賦憐才閨荔分寂寞古棠臺畔路蒼涼殘蝶望
中雲天涯地角全難訊紫螿黃花祇自醺

野澗天空放眼宜，榮華衰落總隨時。
楓林霞映花爭艷，秋水澄寒鏡可資。
警露自同蛩耐冷，養羞甘遜鳥營私。
授衣無計綈誰贈，見說淒風禦以縑。

南白羊村訪潘宮錦留宿

爲訪幽居步履輕，山蹊綿亘出蒿荆。
風傳樵響人何處，村隱楓林屋半橫。
欵戶頓停書韻朗，開樽恰對菊花盈。
殷勤雞黍情堪重，信宿還訂明日行。

自黃蒿村步至上白羊村坊姪留飲

情深投轄又勾留，選勝探奇願一酬。
幾度撥雲尋古寺，有時穿樹翫清流。
炊烟杳靄村途近，夕塢斑斕菓

雙琴堂詩集

卷六

三

粒稠更喜阿咸甘，淡泊村醪叢菊咏清秋。

符麗南招飲於半畝書齋看菊，因憶其師曹西

樵

古瓦新磁次第排，紅黃標撥燦高齋。
先開梅嶼香原冷，遠映楓林色最佳。
培植幾煩風雨獲，蕭疎轉與性情諧。
可知耐久交從淡，慙負樽前酒似淮。
不隨桃李著芳菲，撐住秋霜力豈微。
霽月光風看似昔，清標晚節問誰希。
東軒笑傲人何去，甘谷延齡願竟違。
莫怪臨盃倍惆悵，劇憐館是主偏非。

李文生鍊師菊樽招飲

丹邱勝地迴塵埃况復秋花色色佳位置不容凡卉
伍淡夷應與道心諧任來風雨偏怡目對此蕭疎倍
放懷欣賞誰能甘不醉花間酣卧亦仙儕

和九弟瓶菊韻

東籬簇簇綻金葩采浸銅瓶影任斜欲倩幽香來隱
逸不嫌虛室惹烟霞昵余若解憐人瘦醒夢何曾戀
會嘉回憶千紅兼萬紫誰持晚節傲霜華

世德堂看菊

幾種秋花映四圍晚榮誰說遜春暉淡懷自具凌霜
節冷韻何嫌與俗違色相未空羞艷冶風霜任歷總

雙琴堂詩集

卷六

四

芳菲淵明知已堪千古肯爲蕭條嘆道非

遊龍泉寺

登眺閒吟到此刪難將妙境落言詮庭圍綠影清於
水徑靄秋雲淡似烟活潑泉宜新茗試參差峰作美
人看老僧閱世心無着不賦閒情但解禪

八寶粥

俗佛齋分香積厨啜來甘美擬醍醐讓讓味薄三秋
露粒粒光浮五色珠甜徹中邊同蜜釀享宜仙佛勝
伊蒲加餐漫恠人饕餮和味翻如道味腴

冬日卽事

栗烈威疑爲我收，緼袍暖亦等狐裘。竹爐細火圍兒女，書帙晴簷快校讐。似菊交遊原自淡，如梅品格幾生修。韶華虛擲翻嗟暮，俯仰人間類贅疣。年衰慵睡怯長更，輾轉寒毡夢不成。夜靜厭聞飢鼠噉，窗寒愛聽曉雞鳴。關心補課催兒讀，燥吻思茶撥火烹。祖武欲繩懷往事，潛翁志喜句思賡。

禦冬占蓄蓄無能，卒歲倉皇計莫憑。婦怨炊難薪似桂，兒啼衾薄室如冰。漸知骨藉風霜鍊，那得詩同寒瘦稱。一卷有時開枕畔，性靈淪我獨挑燈。

漫因壁立嘆淒其，娛我清暉亦豁眉。山瘦寂如僧入定，雲寒淡似水流遲。尋梅何處詩情遠，問雪遙天酒興癡。何似青螢燈火畔，篆烟茗盃趣相宜。

喜舒莊溪歸里

久客京華譽自騰，問誰說項耳傾聽。腔函瘦骨仍前健，髮點繁霜改舊青。卷軸多增名士咏，標緗親寫秘傳經。未知此物療飢否，管取書癡笑滿庭。衰朽年來願總違，徑堆落葉掩柴扉。典琴謀粟飢常忍，枵腹談經聽亦稀。牆圯轉延山入戶，蒿深偏喜翠生衣。途窮剩有吟情健，評臆須誰望爾歸。

劉紹美案頭紅梅

後鼎雖爨靜絕塵名花位置倍鮮新折來流水空山
趣偏對冰心鐵骨人胎換丹砂寧解媚光浮凍雪自
含春疑桃誤杏原皮相冷蕊疎枝別有神

水仙花

粧束真如禳斗星舉凡小草漫相形不資雨露羞金
粉能歷冰霜倍裊婷彷彿旌旗來洛水依稀烟水度
湘靈含毫欲賦愁難似影靜寒宵悟妙馨

咏雪和阿錦堂韻

久知雅望重期門立志原非在飽溫暫謫塵寰遊雪
圃永懷雲日霽烟痕耽吟妙擬羊孚贊酬句誰沾上

雙琴堂詩集

卷六

六

若村嚙向窮邊行向嶺自持清節答君恩

影透書帷雪擁門蕭齋陡覺緼袍溫香融漫訝梅無
迹窻曉非關月有痕簑笠碧寒孤釣叟酒帘青裊認
山村笑余航茗頻頻掃清福閒邀造化恩

除夕偶占

屠蘇喚飲履盈庭三世團圓樂意形債客無華門靜
掩斑衣雖做眼偏青兒癡尙望書能讀室陋惟虞德
不馨竭蹶終年成底事前人樸拙儘堪型

紙窓棐几掃輕塵春帖光華象亦新書不厭貧如戀
我兒知潔養未羞人閒拋歲月空追悔無計生涯只

立身幸是東皇恩賜遍石田茅屋又生春

庚申元旦試筆

上章感德喜逢庚瑞兆豐年雪乍晴烟霽曉峰雲掌
絮梅分瑤圃玉飛英紫微望去星光近黃甲占來柳
岸榮聞說掄才徵獻策可能黼黻答文明

賤辰書懷四首

歲月驚拋六十餘不能殖學腹應虛賣文錢盡營婚
嫁煮字飢還泣寡孤白髮有情慵剪薙青毡無夢愛
跣趺幸猶強飯貧非病未肯含愁輒向隅

孤露身虞涉世艱那堪厄運疊摧殘鳩媒難託甘炊

雙琴堂詩集

卷六

七

白玉樹虛栽早折蘭

至見亡巳七年

風木愴懷賫恨久池塘

斷夢苦形單

五弟今春又逝

書空咄咄余何敢欲遣幽思作

達觀

榴紅荷碧未輸春况有琴書不厭貧未易知音絃在
折略觀大意卷如新迂談自類村夫子朴貌爭啣木
偶人漫爾杖鄉隨父老雞豚社飲亦頗真
一二知交眼尙青有時談笑忘零星丁醉逢太白頻邀
月閒就康成倩解經立品不妨流俗賤無求乃得寸
心寧耳無詬諍胸無惡底羨松喬享大齡

諸友觴余五龍亭賦謝四首

挈榼朋儕勸解顏，搢筇逐侶快遊山。人依茂樹千章
蔭，徑轉清流幾曲灣。鐘度曉風傳梵唄，峰沾宿雨裊
青鬟。掃苔小憩，偏忘倦城市，囂塵陡覺刪。
環階淺渚碧如油，傑閣飛翬踞上流。永日壺觴歡我
輩，十年風景憶前遊。聯吟舊侶今餘幾，把酒同儕醉
莫休。疎柳新蟬歸路好，夕陽山半儘勾留。
爲民興利屬賢侯，豐樂規模一仿歐。荔子袖攜頒妙
品，秋花宴賞重金流。課農種樹高風遠，斷石崩雲寶
墨留。回首卅年渾似昨，咄余偃蹇負青眸。

地近龍蟠佳氣拖，靈源灑灑繞繞盤。阿亭名有本宜思，
雙琴堂詩集 卷六 八

取渠賜安河，貴不波。處處桔槔鳴，格傑家家蠶箔簇。
晴和太平景物，徵仁壽菊谷甘泉，遜此多。

咏蓮

小圃荷池久已廢，涸今藉從學之力。時爲纏
汲，遂爾茂發朱華，不覺逗我吟興。連綴四首
以攄鄙意。

舊傭疏淪誤，應知灌漑功。深繁殖宜幾，度桔槔鳴夜
月。頓看菡萏展朝曦，凌波有態同霞舉。獨立無言任
世遺，能出汗泥人愛說。肯教褻玩點清姿。
華封玉井結遙思，幸向銀塘挹妙姿。淡遠自無鉛粉

習娉婷迴與垢塵離天然風度誰能並宛在中央品
屬伊從此湖洞煩不憚心儀君子好相資

白社名流枉費思鄭公筒飲却呼誰綠雲影靜松梢
月紅萼香吹柳外颺覓句慚輸初日映納涼轉喜露
珠垂龜巢魚戲渾閒事黃鵠曾翔太液池

可知賞勝趁佳時翠減紅衰嘆已遲鉢咒有靈終是
幻塔光忽湧倍滋疑驕陽酷暑渾忘虐水簾繩床每
就移贏得妙香清宿酒底須並蒂瑞縈思

除夕和九弟韻四首

頌椒底是巧爲詞羣季偏催餞歲詩鬥捷寧嫌燒短

雙琴堂詩集

卷六

九

燭醜顏轉喜罰盈卮漫緣拊攜囊羞澁且慶康強老
耐時性懶須從今日振先太史除夕有句云性懶須
從今日振囊空漫說舊時贏

前人留句警余宜

春帖新箋滌舊詞圍爐守歲獨憑詩半生夢斷紅麩
枕偶爾顏開綠蟻卮幸有貽書堪破寂苦無巧術善
逢時寒風耐盡和風至背曝春光暖處宜

齒豁何能吐艷詞爲酬高唱強吟詩天倫敘樂閤闈
韻綵舞盈階快舉卮身健乃知貧亦福才疎頗悔計
違時向平婚嫁行看畢卜歲先期家室宜

排門債客且權詞冷淡生涯聊賦詩索笑有孫成跪

拜思親餘澤剩盃厄可知殖學能忘餒肯爲居貧不
惜時恰值掄才新歲月前人蕊榜續還宜

赴館途中口占

載途雨雪助春寒路爲飢趨未憚難回首故園烟樹
杳入眸野色水雲殘金臺市駿空餘骨燕市悲歌枉
自酸督亢圖中今騁望昇平遭際客顏寬

館丹崖書屋示同學並兒蕤四首

孝友傳家素所知挹香喜接最芳枝問君誰悟拈花
笑愧我何曾識字奇稽古邀榮空有志解頤無術漫
談詩青藍冰水原相助借鑑應憐髻已絲

雙琴堂詩集

卷六

十

抗顏也自擁臯比檢校遺編樂不疲寒夜青燈微得
趣光風霽月有餘師拙須勤補期無愧愛以勞成每
藉斯北海亭高儀未遠居諸慎莫擲浮詞
客散平原欲掩扉擔簦僕僕計原非虛拘終未三年
滯棒喝翻教初願違說法早知輪點石會心那得遽
傳衣青衿佻達詩曾刺雅雅魚魚庶望希
衰年轉側倩扶持撰杖恒攜歷齒兒三益獲交仁倩
輔寸陰當惜斂惟時灰寒肯便因人熱蠅藐端惟附
驥期凍解池冰春入望芬芳桃李好相資

謝丹岩先生惠烹魚

所欲分頌雅惠叨持盃端不羨持螯懸乾取示輸清
節去乙恣餐快老饕腹裹未遑彈劍缺鮮烹漫笑試
牛刀曾聞獨繭綸垂好何日同君釣巨鰲

吳靖兄止宿見山堂亡兒至授徒處也不禁泣
詩以志慨

十年不見舞斑衣偶過居停感自知月色窺人誰對
酌墨痕餘壁憶臨池熱腸剩有良朋話善誘能留弟
子思根觸余懷空悒悒可能入夢慰妻其

紙鳶

裁鳶豈學魯般攻能戾雲天亦見工幾隊稚童喧逐

雙琴堂詩集

卷六

七

野一時燕雀訝摩空聊資塗飾矜文彩暫解扶搖詡
羽豐扯洩由人難自主可知攀附也凌風

病中書懷寄奎兒二首

春寒剪剪襲人輕撩亂羈懷類醉醒瘦骨徹裘擁半
榻孤燈殘卷耐三更依稀夢覺含飴趣峭峭風來吹
幙聲醒後無聊推枕坐寄人有句強拈成

非關客館易淒其病裏朋從莽若絲老屋每深風雨
懼童孫倍切誦維思蕭騷松竹陰餘徑寂寞雲山屐
蠟誰况復移花兼種柳春光將半莫遲遲

寄訊圻姪

舊業當年共爾商，憐今索處擲流光。隱侯善病應知瘦，奉倩多情莫自傷。好以切磋求友益，可能翰墨將花香。曾聞遜志兼時敏，不殖常虞學則荒。

過百樓村有感

百樓碓峙說公孫，曠野雲迷戰伐痕。割據當年餘浦

淑，耕柔此日好烟村。誰從枯朽矜王氣，

近村有耿王墓

最憶

干戈護道根

崇禎末孫徵君講學於此

遺事欲詢稀，故老詩成弔

古向誰論

高里店懷古

耨耨曾爲項劉驅，矐目讐秦事可吁。風樹刁騷疑擊

雙琴堂詩集

卷六

七

筑客途憔悴類爲奴，悲歌人共傳燕事。慷慨今誰似，狗屠漫笑奇謀輸。買駿金臺偉業亦荒蕪。

過睦兒涑邑鄉塾留贈諸同學

一代風流舊尹竝，發聾振聵尙堪思。恁般乾淨存心

似好箇光明稽古宜

孫起山先生辛涑時對聯

慷慨中流傳擊楫

祖迷卽邑人

清剛越石解吟詩

祖友劉琨以詩稱

着鞭先我看前

導起舞聞雞爲爾期

負笈擔簋就苦辛，愈愚知困兩相因。爭將金石聲聽

遠不愧絃歌地是隣

臺側卽古絃歌祠

桃李繽紛醜化兩雩

沂童冠暢芳春我，老眼欣爲拭雅雅魚魚信可人。

析義論文藉掃愁
永朝永夕喜勾留
朋來可有磨礪
益悟後應憐
針芥投有子恒
虞家學墮非材
敢異匠人收蹉跎
莫悔當子鑑珍
重臨岐最好修

謝張康侯贈虎邱席

虎邱芳草織氷紋
千里相將惠荷君
華院頓生童子
羨完全寧類幼安
分光浮滑芻臨秋
水夢貼輕柔臥
碧雲雅稱松陰邀
月共繩床懶卷
炎氛

王虞三蘇園課孫寄詩懷余賦此報之

雲箋裁寄繫情思
暫爾睽違詎足悲
回首廿年人落
落關心三徑草
離離舊餘松竹
頻摩撫新茁芝
蘭倩護持斗酒
雙柑曾有約
遄歸不負聽鶯期

蓬廬金石韻遲遲
養正童蒙須及時
一綫脈傳遙緒
切兩心印合幼
頑移教方知困
非虛語學足愈
愚在得師尚有遺
書千百卷解頤
爭聽鼎談詩

行看桃李競芬芳
誰解傾囊暢詠觴
蘿月坐來開朗
悟松濤聽去異
瀾狂好尋詩思
清塵思更擷花
香釀句香檢校
風光還似昔青
毡索寞味偏長

清福猶餘讀與耕
烟簑兩笠最關情
石田春及呼兒
子寒夜芸香共
友生我輩胸懷
須自拓他時建
樹任

人驚酣歌斫地豪堪挹莫似頽唐取世輕

十空詩

囊空無錢

曾聞布貨擬泉流已逝難回肯妄求却幸免遭王衍
叱不妨爭笑阮囊羞革皮翻轉真如洗紙裏全無一
任搜賜鑄銅山今剩否清風明月任悠悠

瓶空無酒

濁賢清聖總乖子北海樽盈願竟虛籬外白衣空悵
望床頭青箬倩誰儲求醒莫覓糟醕歡望眼難逢麴
葉車典盡鸚鵡無計貰寒泉石鼎代何如

雙琴堂詩集

卷六

十四

厨空無肉

方傳養胃說東坡列鼎無能味漫和且咬菜根香亦
好可餐山色秀還多恥求快意屠門嚼慵效無魚劍
缺歌賦讀老饕時自笑晚餐聊當樂婆娑

困空無粟

石耕長歉稔無因那得豪情困指人未負數升輕百
里只捩九食度三旬坐嘆有婦空悲巧帖乞頻書但
惹嗔試問萬鐘何所益誰知富果不如貧

筒空無衣

章身誰不藉衣緇綴葉紉蘭枉羨高酬債幾番搜盡

篋恤寒無復贈綈袍羊裘五月披猶戀犢鼻長竿晒
且勞剩有牛衣曾對泣班班指點示兒曹

腹空無書

先澤遺經悔未菑枵然今始嘆調飢餐香飽遜蟬魚
腹撐脊豐嗤沒字碑荒落人爭教飲墨顛頂自覺類
行尸雌霓颺鼠何由辨貧尙能療俗莫醫

耳空無聞

總教聲入聽難聰天柱虛懸有若空自是鈍根醫不
得那能妙悟靜中通點頷默默癡何似附語喁喁術
枉工叩寂課虛非所事誰遺社酒一治聾

雙琴堂詩集

卷六

五

目空無見

眊眸寧上碧瞳翰爭奈雙眸有若無豈效瞋叅忘色
相爲勞垂盼轉模糊本然好醜無須別幸有曹劉許
暗摸收視將求心內照敢期象罔解求珠

色空無慾

白白紅紅綻眼前如茶雖好不矜憐久歆角枕拋同
夢肯覓鸞膠續斷絃心比灰寒吹未起情如水逝復
何牽靜中思動余何敢孤館殘燈味似禪

氣空無忿

制氣如嬰古所傳寧因思難暫爲捐渾忘獻璞頻遭

別那見飛蠅欲蔽天養似木雞非務鬪笑如佛狸豈
求憐橫眉撫劍成何事不怒而威尙勉旃
留商雲封周二南陳耐菴小飲牡丹花下

名流應喜賦名花蒿逕頻停長者車紫艷烘晴春正
午穠香醉客興偏賒爭看綵筆書雲葉底羨雕欄護
絳紗豪興縱輸絲竹奏風光擡舉說山家
與貴相宜且漫論人疑春色麗柴門當年幾度防風
雨今日欣看到子孫凡卉對君羞瓊碎嘉賓倩爾合
觴樽竹間水際傳康樂地自蕭疎品自尊

謝謝兄惠櫻桃

雙琴堂詩集

卷六

六

落拓誰招櫻笋筵筠籠分我摘晴烟艷眸顥擬珊瑚
琢擎手光同韎韐懸底用蔗漿消內熱慙無瓊珮報
當前封題欲折還珍重寢廟憑誰薦豆籩

紫薇花

豈與安榴較艷粧榮光簇簇綴紅芳粉垣自映胭脂
色畫省眞饒蘊藉香叢處乍疑霞散彩久看最愛日
爭長更憐老幹亭亭立相對渾忘下夕陽

輓單桂村表叔

騎鯨何遽反蒼雲太息悲深萎哲人濟美文章懸在
國宜人風貌憶如春車馳百里膏隨足書擁匡床樂

頁真耆舊他年傳易水儒林循吏美皆醇
陝右高踪未易攀維南賢令播人寰黍苗膏雨同
伯登眺留題杭對山瀍澗水澄心可印絃歌聲徹事
能閒緣知溫飽原非志博得清風兩袖還
解組歸來每閉門天倫樂叙謝囂塵春秋觴詠時呼
弟風雨編摩自課孫共羨樹蘭怡謝傳不勞廻馭叱
王尊優游林下邀天眷賜杖傳柑更被恩

誨我寧惟一字師風騷推激勒心知難忘蠟屐看山
納常憶拈鬚擁鼻時妙句流傳爭入畫瓣香遙奉問
爲誰寢門哭罷情無已惆悵西風奠一卮

雙琴堂詩集

卷六

七

象菴中翰招看菊

妙品寧耽隱逸名華堂位置最怡情神寒肅穆增曩
鼎影度蕭疎近老成穠艷不爭春任去冰霜漸歷晚
餘榮敲棋酌客香徐領能駐秋光在淡平

謝宋竹溪畫蘭菊見貽

自寫清標薄粉胭剡溪半幅訝風披碧分湘渚香誰
並貌挹柴桑淡最宜斗室頓生幽谷趣頽齡轉惹晚
榮思湖州老去吳興遠妙筆如君兩勝之

賤辰感懷

支撐瘦骨週花甲攬鏡衰顏漫起嗟談藝有人甘作

客謀餐無術忍拋家時清自笑才偏拙福薄人嗤願
尙奢小技雕虫猶抱歎更於何處問生涯
檢點從前事事非癡情傲骨遇應稀說經幾見人頤
解餽口翻貪雞肋微平子債難酬晚歲臯魚泣豈報
春暉老當益壯思前哲愧悔中存不息機

饑驅那得戀吾廬去在因人計總疎呵叱幾經遭醉
尉棲遲每欲趁僧居業輸農圃原無學利覓錐刀得
傲余松竹就荒歸未卜平生温飽志何如

日當母難最堪悲孤露餘生恤復誰一事無成空老
大百年有幾頓衰遲未穿鐵硯終羞棄得接慈航或
有時聊藉壺觴澆塊壘年華如水逝難追

雙琴堂詩集

卷六

七

齊竹林止宿蘇園

平原客散嘆途窮松竹猶存一畝宮碧影交森庭貯
月清音迭起樹吟風雅人相對懷彌淡妙悟如拈論
却空支枕北窓堪小憇羲皇或遇睡鄉中

館中喜雨

破窓風雨韻蕭疎頓掃蠅營暑困蘇展卷不妨甘寂
寞閉門深幸免泥塗一簾蒼翠森芸逕四壁雲山潑
墨圖遙想淳興霑四野懷新苗已兆含哺

步商雲封茶船韻

懸知陸羽錫嘉名綠雪盈盃每藉擎刻似木蘭香永
泛撐從仙掌穩無傾雲飛捷擬頭綱報蟬翼清浮一
斛輕兩腋風生煩盡滌靜聽鼎沸卧桃笙

步商雲封重看蘇園牡丹韻

清談捧塵每相期着意留題滌硯池新雨乍晴花灼
灼南薰初拂日遲遲衣綰蘊藉關風雅秀色輕盈薄
粉脂好借名花傳彩筆右軍書重永和時

燕城懷古步書水部韻

危城百尺聳雲端懷古情深獨倚欄翠接蜚狐山自
秀歌傳變徵水偏寒憇棠人去新祠峻古候臺荒晚

雙琴堂詩集

卷六

元

照殘幸際昇平雄右輔青葱佳氣望漫漫

貝勒山亭小憇步書水部韻

不作朱欄畫棟樓茅亭小築亦怡眸沿村韭稻明如
繡湧檻烟嵐翠欲流問兩課晴知稼穡編籬種豆足
清幽所其無逸於茲見豈爲雲山入座收

留別札樂山

和神清節信堪師接塵翻嫌把晤遲名重案餘書畫
債情偏獨向簡編私妙齡夙慧傳能習賢主嘉賓樂
可知贈我瑤箋應什襲懷人觀札慰幽思

咏菊步費東來韻

標撥紅黃總豁眸羨君清賞泛銀甌一簾影印中天
月半榻香函四壁秋冷韻不羣人議傲淡懷常挹我
憐幽柴桑一醉成千古漫訝榮輕百里侯

冒雨相尋不染塵幽居寧羨卜南村偶緣送酒盤桓
逕絕少催租剝啄門清節共期持晚歲寶幡底用護
芳魂飛觴孽蟹從君約誰惜青衫漬酒痕

如山書屋對雪

剡溪訪戴乏朋儕剩水殘山闕一齋逕掩冰霜無履
印庭餘清白與心諧妍詞秘思誰成賦小醉微吟自
遣懷所愧未能千卷讀青螢燈火趣空佳

雙琴堂詩集

卷六

十

久懷驢背覓詩思雪景懸窓看亦宜踽踽人迷沾酒
路微微烟淡晚炊時傷貧怕聽烏啼樹闌韻難工白
戰詞煮茗幸餘天上味淺斟任笑黨家姬

鄭閣題留飲偶述所感

一樽清話靜繁喧閱歷微知共爾論豪俠終非門戶
福典型端藉老成存琴書無恙留先澤勤儉長持裕
後昆解得寸心時自忖人情一任似波翻

春暮偶書

幾畝荒園屋兩楹蔭餘松竹尙怡情偶支茶鼎評泉
味小倚晴簷辨鳥鳴花雨一簾香自靜月光半榻夢

還清就中也解悶爲福詎肯勞勞世網攪

硯石爲田歲歛收蕭疎生計倩誰籌妻孥慣笑炊過
午姻婭交喞禮不遇閤歷漸深諳世味飢寒嘗試淡
貧愁天空海濶澄觀好應遣心平似水流

踏青門草意闌珊賣賦無才總閉關浙瀝聲中春欲
盡蕭條况外病容閒籬編疎逕增周折書就明窓漫
訂刪倚杖弄孫聊永日羨他飛鳥倦知還

游說逍遙愧未能晚經憂患倍凌兢試看老輩今餘
幾偶得遺編手自謄石砌碧流祈社雨竹籬紅透課
兒燈青種黃卷甘常守悵望雲途祇愧增

雙琴堂詩集

卷六

三

以下五言絕句

古臺

昔時築此臺未解何人築今日一登臨豁我天空目
春寒

峻嶺猶飛雪含苞未綻風可知天意厚醞釀滿園紅

咏黑衛

欸踏襄陽雪徐敲賈島詩漫誇牛背穩不羨倒騎時

裁紙刀

詎遜豐城劒寒光閃閃明文房添寶氣寸月寫秋清

春閨

二
惱人眠不得早起下粧遲簪罷從誰問相宜鏡裏知

三
小步芳園逕忽驚春色賒那堪孤子影又見並頭花

四
鎮日垂簾坐雙雙燕子翔撩人無恨意不語看雕梁

五
午倦拋針卧芳魂夢裏迷醒來情未極窓外惱鶯啼

題墨梅

隱逸趣誰得蕭疎數點墨非爲傲花情脂粉從來惡

蛙鼓

雙琴堂詩集

卷六

三

春雨池塘滑蛙鳴趁草青何須歌兩部破寂亦堪聽

和言志山房村居六首

柴門

郊垞卜幽居遙山拱一帶草滿碧雲屯誰叩荒烟外

苔徑

絕少奇花卉松篁手澤存綠寒浮不掃留取上堦痕

藥欄

種藥欄曲折香生月上初偶凭清露潤花影繡襪裙

草堂

老樹扶疎繞蓬廬也自都歌聲出風雨晏坐非凡夫

菜圃

既解非種鋤小草還思取話兩有誰來盤剩庾臯韭
山樓

萬山環一樓流翠無時止展卷映晴雲花飛點鳥几
孤峰寺雜咏

假館僧舍溽暑無聊輒循牆小步目有所觸
心亦動焉出以韻語或可當山歌也

孤峰

森翠聳平原疑出巨靈袖袍笏拜無人蒼莽獨矜秀

破寺

佛不靈荒山金剛且欲倒赤脚踏猶難怪底無人抱

胡桃茂蔭

茂蔭擬巨榕涼颺飄翠雨展卷眼爲青六月渾無暑

文官老樹

巨腹飽風霜柔枝偏媚嫵磊磊石盤根疑是戀珪組
卧鐘

得毋惱振聾金鏞草莽委愛聽瓦釜鳴不惜黃鐘毀

涸井

汲綆無用修靈源轉恐塞九軻且徒勞忍不心惻惻

牆上苔

雙琴堂詩集

卷六

三

美秀文君眉黛痕頗髣髴曉翠挹清揚妙無脂粉氣
石隙柏

堅貞堪自信努力破山骨天矯直干雲何曾資寸土
以下七言絕句

瓶梅

春光剪取濯新磁短几橫斜三兩枝移向床頭香入
夢可人最是酒醒時
寒宵底是酒肴陳剝蕊烹茶味亦新差勝襄陽驢背
上詩敲風雪費精神

壺溪夫子濬河得靈石如龍角因構軒曰聽角

雙琴堂詩集

卷六

音

命賦之

漫羨河陽花滿枝石如龍角更離奇移來山徑添幽
賞盡是奚囊絕妙詞

靈泉灑灑注城隍怪石磷磷水一方自是我公思砥
柱非關癖嗜米襄陽

不作玲瓏瘦透觀嶙峋天矯自無端公餘試奏琴中
曲指下流泉萬谷寒

軒名聽角象龍形龍未成形似有鱗料得清談能點
石飛騰應許到滄溟

題王載老齋壁

壯志消磨霜滿頭
學農學圃足清幽
南園果熟千餘樹
不羨江陵橘柚侯

棲遲小築斗形齋
淨几明窓不受埃
却除花香禽韻好
个中清夢爲誰廻

江干閒步

江干緩步妥驚魂
覓路寒畦踏麥根
一逕烟雲帘影破
茅簷幾點繪前村

隣舟金子示其岳陽樓詩步韻贈之

我非遷客自怡然
碧抹丹樓畫遠天
化劍仙踪何處覓
鶴山一點破瞑烟

雙琴堂詩集

卷六

五

爭流競秀擬山陰
恨是湘靈瑟韻沉
畫出溪山詞絕妙
遠峰江上古如今

萍園看榆葉梅呈畊塘夫子

不向孤山冷處開
蒸霞暈碧費疑猜
須知歷歷星精化
位置原從天上來

寄衛畏齋

壁補江梅二月風
鑄成佳句有神工
何時共剪西窓燭
醉我紅蕉碧雨中

贈朱丈青雷

圖書左右悅高堂
點綴朱霞映彩裳
論古原羞秦以

下不徒人品薄中郎
顛倒鄒枚妙入神梁園禮數重嘉賓篋中珍重文君
印指日相如賦上林

陳荅根爲余扇頭畫松詩以謝之

勁質貞心繪作圖攜來襟袖也蕭疎元規縱有塵千
尺一陣寒濤盡掃除

兩夜有懷

雁鳴猿嘯爲誰寒失意人聽知倍酸冷落碧牕芳樹
影飄紅濕草寂闌干

贈海雪江

雙琴堂詩集

卷六

美

暫悶羅胸百萬兵荒天野寺自怡情他年保障重引
領大范何如小范名

甘棠蔭畔築孤廬春露秋霜每駐車祖是純臣孫孝
子換鵝猶是等閒書

吟遍黔山滇水天窮居更著奈何篇擊壺漫洒英雄
淚臭味端於同病憐
弔古能將舊論翻荒苔蝸壁寫琅玕採風誰補濡溪
志應作寒山片石觀

橋闌望雪

滿目空林飢啄鳥閒閒一水斷村沽誰移小艇烟深

處爲寫寒江獨釣圖

雪夜寄內

連宵密雪悄闌干，不慣離情感百端。
遙憶孤燈刀尺罷，竹爐細火爲誰寒。

懷舒伯西

塵緣萬斛倩誰除，兀坐繩床自檢書。
酒榼詩筒何日約，兩絲風片恰相於。

侵晨細露叫鷺雞，小坐披涼曉月西。
好夢最遲真妙

句清宵幾度試新題

伯西有清宵沉坐久好夢最來遲之句

婪尾花開春欲殘，留春無計寂闌干。
遙憐結語堪憑

雙琴室詩集

卷六

三

處碧捲湘簾共醉看

古鼎新茶裊綠雲，寒泉手汲濕輕塵。
箇中也自耽清趣，偏憶清談揮麈人。

贈漁者

日落山斜網未收，絮風花雨繪漁舟。
不須遠覓羊裘侶，烟水蒼茫意儘幽。

偶拋書卷便綸竿，生計何須入世看。
水色天光塵不到，無風波處穩如盤。

晚風吹柳絮紛紛，驚起游魚躍錦鱗。
舉網得來堪換酒，明朝山市醉殘春。

酒明朝山市醉殘春

蒲劍

幾節菖蒲化劍形青萍秋水見分明辟邪曾作仙人佩詎向人間報不平

壁虎

仙虎誰知亦號龍氣噓石壁曉雲通始皇枉刺丹心血今日何人爲守宮

新蟬

一聲蟬噪水西林知是新晴卓午陰何日催將殘暑去碧天涼露學人心

未開梅

雙琴堂詩集

卷六

天

可愛江濱未放梅已含冰萼待詩才凌霜傲雪艱難盡多少春光始喚回

冬閨怨

最是憐人春欲殘同雲密雪更無端靜垂簾幙誰相伴夢入梅花徹骨寒

寒窓月滿怯孤眠獸火爐中旋旋然惆悵歲除人未至頻將心事畫灰前

峽嶺口占

對峙峰危約束尊九迴波怒嚙山根依稀走馬香山下詩思重提伊闕門

安家頓小憩

村裏亂雲樵逕細橋衝斷水釣在紆暫來此地勞塵
歇倚樹聽泉入畫圖

步單桂村表叔秋暮雲亭有懷黃刺史韻

半生有福是能閒書展風簷古照顏覓句未能參謝
眺更誰把臂約登山
長堤期與白蘇傳人去亭荒空月圓獨柳風寒花事
盡祇憑佳咏憶前賢

壁嵌片石記風流漫說登臨可放愁回首顏開最高
處劇憐宦蹟托林邱

雙琴堂詩集

卷六

三

幾度遊人日往還山靈轉藉此增顏荒涼樊館荆卿
墓石磴長凝烟雨斑

霜露遙憐脫葉乾鞭揮殘照紫峰環攜來好句真如
畫一幅秋容眉睫間

勝事輸人喚奈何羞將蹶步陟高阿螯肥菊瘦催租
少風雨蓬廬自在歌

謝張繼老留飲

烈蹟爭傳貫白虹先生慷慨略相同開缸怪底香清

冽想見衝冠壯士風

張所居里名白虹村
傳爲荆軻彌七處

多采名花釀此春光如瑪瑙味還醇不催馬上琵琶

奏沉醉渾忘過七巡

七夕

烏鵲填橋事可疑
長空銀漢自迷離
縱饒睡穩風流夢
未必勾清隔歲思
有情何似總無情
苦別端從歡會生
輸與嫦娥孤另慣
不緣雞唱怨殘更
兒女紛將瓜菓陳
那知一刻也堪珍
新愁舊恨憑宵語
那有工夫理論人

用竹垞題畫竹韻寄有竹堂主人

如剪春風解籜輕
新窓抽翠蔭
窓晴一簾虛影
浮烟

雙琴堂詩集

卷六

三

水詩思真從瀟碧生

寫向寒宵尙可憐
个中琴嘯坐年年
酒樽書帙窺顏色
移我情深淇上泉

用竹垞懷鄉口號韻寄九弟晴野

蝸廬旣葺可安棲
籬補頽垣架竹低
扁豆莫忘及早種
秋風秋雨護花堤
金井新栽樹擬梧
繡塹芳草向根鋪
不勞新汲清泉洗
珍護苔痕囑老奴
桃萼紛開杏蕊重
紫荊花發色尤穠
團圞樹底誰相憶
孤館殘春冷落儂

鄂君繡被最情耽，辜負開時飲未酣。
勞我夢魂馳百里，幾回覓句到花南。
龍爪槐棚蔭畝餘，柳竿高架碧陰虛。
竝移錦石支烏几，豁眼何殊讀異書。

哭姻姪和生

驪歌花嶼未盈旬，遠訃驚看淚拭頻。
滿腹甲兵成底事，壁弓椿馬總憐人。

雙親堂上頭如雪，膝下佳兒未畢婚。
不道塵緣便撒手，知君魂夢戀家園。

韋園砥峰兩師過訪留飲芍藥花下

雙翠堂詩集

卷六

三

講壇暫輟轡，偕來繫馬槐陰任。
破苔沾向村前留小住，春風爲我促花開。
何似藍田大折枝，當階紅藥正翻時。
知君才並韓公客，駘取欄前金帶圍。

寄王虞三

水簾湘簾次第新，虞翻應不逐蠅頻。
須知筆汗曾如雨，漫羨羲皇以上人。

勗女

磚影徐移花過廊，午窓繡好趁天長。
莫緣嬌小疎針帚，刀尺聲中家計良。

門草拈花豈女紅蠶纈紡績有家風敬羨妙論曾知
否寄與難兄寫一通

安鄉懷古

甄后

家亡國破死何辭朱粉偏爲悅已施永閉鄴宮休抱
恨誰憐白骨冷袁熙

曹植

才思矜傳八斗分豆萁煮豆泣何頻羞他典論欺人
甚不及鍾情賦洛神

劉越石

雙琴堂詩集

卷六

三

慷慨中原欲濟艱不甘先着祖生鞭功名未副澄清
願剩有清剛白簡傳

甄濟

列第於今青草餘荒烟誰識故侯居可知節義傳千
古齒頰香留甄秘書

明部郎楊子鳳

闔門狗國血猶香姓字長爭日月光試問當時留後
者崢嶸寧壽石碑坊

宋縣令鼂以道

風流想見訟庭閒父老猶能說問山却恨墨光終蝕

土不如雪浪霽天顏

和唐陶山一默齋八景

翠巘漏天

玲瓏山態曾傳蜀燕石誰開玉洞虛晴漏星辰陰漏
兩天痕常碧讀書廬

壁池倒影

習坎應知窪則盈澄心時對一池清風吹影瀉天空
碧欲借虛舟附上瀛

石案捫雲

底須花畔想雪衣石案層層靄曙暉知有蛟龍投學
雙琴堂詩集

卷六

三

海靜潛霖雨待風飛

薄棚聽雨

舊時遊棹繫衡陽爲讀新詩憶雨涼滴碎客心聲在
耳陰如帆影下瀟湘

蒔畦春陰

小草中涵無量天生機勃勃籠春烟品題欲奪東皇
巧誰許先生支枕眠

灌筒晚照

影轉花磚砌半陰課童汲井曲穿林歎珠瀉玉情怡
耳肯向風塵問賞音

小竹垂珠

寒綠居然競曉秋，詎隨落葉點階稠。垂垂莫認相思豆，留引青鸞駕十洲。

寒梅貼玉

移得羅浮虬樣株，橫窓疎影伴吟癯。清寒自有入人如玉不羨方平十二壺。

答張虞若贈芍藥

笑予結習未能忘，圖寫花枝憶趙昌。幾朶到眸春欲暮，杯啣婪尾興何長。

飢驅歲歲寄人籬，辜負宣城舊品題。此日醉中增悵

雙琴堂詩集

卷六

高

望不關花事，號將離

小山妙筆訪藍田，度閣終年未忍看。幾度徘徊燈畔影，居然紈素見嫣然。

寄崔翼雲張德祜

索居曾念攬衣難，花嶼相逢雨正寒。壺榼未謀倉遽別，春愁各自歷征鞍。

消息憑誰一寄知，毫無佳况慰離思。深苔老樹三間屋，風雨瀟灑自課兒。

試後歸途口占

古帙殘編賤值歸，裝來囊橐訝纍纍。拚教點額埋頭

讀不受人呼沒字碑

疲驢短策出巖城到耳村村刈穫聲回首米珠薪桂
地田家風味喜秋成

爲避衝泥取逕賒遠林虧蔽噪昏鴉晚波細路明於
雪繞轡光浮蕎麥花

滌盡羞囊剩幾文旗亭小醉費逡巡短裘破帽斜陽
道爭識文壇苦戰人

題畫

滿眸黃紫萬山秋小泛寒光一葉舟不弄綸竿空鼓
泄天長水遠意悠悠

雙琴堂詩集

卷六

五

灘頭山角幾經過撥棹中流欸乃歌莫怪相攜惟稚
子天真應不解風波

爲王宸奏題女史玉兒遺照

底事仙香覓返魂輕調金粉繪溫存憐才刻意青樓
少心事應同紅拂論
桃根桃葉念空癡不及檀郎拜爵時想見恨凝憔悴
後春山蹙捐獨支頤
傷春枉說杜司勳落拓論交未有人解得千金酌飯
意漫疑畫裏喚真真

咏菊三十九首

洋秋水

隱君風貌憶柴桑
澹遠神如秋水長
恨是熨藍天一色
伊人不見溯洞忙

賽綠萼

寸心輾碧映窓紗
玉貌疑傳萼綠華
可是多情能入夢
羅浮從此薄梅花

燈下黃

曾披金甲戰秋光
豈效閨帷點額黃
瘦影半窓誰比得
教人燈下費端詳

海紅蓮

雙琴堂詩集

卷六

美

田田穠葉與蓮同
十丈休誇太華峰
道是慈航接彼岸
飯依欲拜海雲紅

晴山掛雪

雪掛山頭山欲晴
輕嵐浮白眼分明
如何秀色偏鍾菊
羸得東籬負手行

金佛座

菊金含彩映朝霞
佛座偏留處士家
謂愛淡無烟火氣
緣何不見笑拈花

蜜蠟鉢

擊鉢詩成鬥捷才
逸情恰值菊花開
優曇偶現原無

實疑白疑黃總浪猜

白鶴齡

鶴翎如雪拂疎籬迴視雞羣空所依月下問誰能捉
影風流欲逐白雲飛

硃砂盤

花大如盤盡赤砂供餐真箇勝餐霞葛洪悔不居甘
谷勾漏官微枉棄家

西施舌

一線輕如絳色竒傾城猶自說西施寄言霜鏹休欺
軟取鑑還憐吳沼時

雙琴堂詩集

卷六

懶梳粧

三

沐雨沾霜未損容梳粧底事到秋慵從來冷眼輕脂
粉料是多情不負儂

天淡黃

素質何曾矜點綴着些顏色也無妨黃冠傲岸休猜
鶴臭味期於薄處長

醉楊妃

太真風貌可爭差若醉霜華暈臉霞妬寵莫尤傾國
色不曾解語誤官家

沉香牡丹

花事誰嗟不遇春霜天寒馥倒金樽問他飛燕粧何在亭北沉香未足論

清心白

冰姿霜彩較晶瑩徹底看來眼倍明萬斛塵緣全掃却對君我亦覺心清

黃蠟瓣

雲冷峰高峰未來蠟黃瓣瓣色奇哉月昏若有浮香動錯認檀心馨口梅

出爐銀

冶銀相色與凡殊寶氣光騰火氣無解得傲寒非幻

雙琴堂詩集

卷六

五

術陶鎔須自具鍾鑪

鐵葉蓮

不聞淨植詡姚黃品菊端推正色芳怪得風霜摧不得瑋瑋葉底露堅光

萬花魁

萬花叢裏眼分明宴賞東籬第一名春卉易開還易謝秋光占盡更誰爭

國色天香

天然名貴壓秋葩品重柴桑處士家羞向朝陽爭粉黛疎籬老圃任風斜

銀盤堆雪
萼開密雪瓣銀盤堆處人爭拭眼看彷彿掃來松嶺
上孤檠映讀竟忘寒

秋風軋軋秋光線比愁心若箇長不爲他人勞刺
繡拈來底事苦思量

太液蓮

千葉層層自裹香渾忘烟冷舊池塘底須泛彩清泉
媚傲骨亭亭薄六郎

紫松針

雙琴堂詩集

卷六

完

開來紫艷擬松針不作風濤靜氣森一寸霜鋒經百
鍊砭人共礪歲寒心

雨中芍藥

嬌紅不向錦階翻却殿秋容九月寒香粉欲銷魂欲
斷雨中風景逼人寒

銀鳳羽

鳳棲不必老梧桐銀羽參差繞菊叢異樣漫疑丹穴
改山家慣薄綬銜紅

玫瑰紫

席珍上品羨玫瑰奪色花分紫玉苔漫笑荒寒籬寂

窠會須移傍紫薇臺

黃鶴翎

武昌樓咏草萋萋修羽偏遺隱士籬莫怪淵明賦歸
去仙人黃鶴正相期

粉鶴翎

淺白深紅詎弄嬌翥軒猶自露丰標昨宵想爲青娥
駕衣惹粧臺粉未消

大紅袍

衣染休誇柳色黃大紅新製錦袍長凌霜氣象宜臺
閣可許司香御案旁

雙琴堂詩集

卷六

劈破玉

甲

漫云勝友重黃金白帝評秋也玉分割出清光爭不
得操嚴一界靖紛紛

老僧衣

誰解袈裟掛短籬廬山惠遠舊相依虎溪嘯後忘禪
意可許傳心付法衣

獅子頭

說法何曾點石頭猙獰獅子化溫柔寒籬蹲踞偏增
媚羞煞河東吼不休

檀香球

傳聞香國樹旃檀
球綴陶籬香亦圓
訊爾芳心何事
結滿林秋意倩誰傳

紅萬卷

未能秘閣照
藜看老圃花翻頁
頁鮮秋雨晴窓勤檢
點新紅掩映白雲篇
粉三變

耐久偏宜霜後風
輕氛吹盡月光融
鉛華怕賺風塵
眼悟出紅爐點雪功

金鈴

不關霜彩燦
秋庭箇箇輕圓訝
列星籬外護花堪避

雙琴堂詩集

卷六

里

烏解人何事繫金鈴

銀鈴

花鈴小品重如銀
簇檻開來點綴新
縱使風前嬌不語
勝他兩裏浥輕塵

蝴蝶蓮

南園綠草爲霜憂
老圃花紛蝴蝶稠
幻出莫教重入
夢一天秋色倩勾留

初夏卽事

風番廿四吹將盡
橘白榴紅蕊乍新
移向濃陰破森
綠清和花韻也宜人

垣短偏羅百尺岑，嵐光時藹半庭陰。
茂林更欲停雲影，个裏禽多自在音。

暖逗晴窓拓絳紗，碧柔芳草蝶紛加。
着人細細香風斷，滿地輕風落棗花。

讀罷涼生月上時，滿庭花影自參差。
閒攜詩思水壺濯，不厭風傳玉露遲。

寓見山堂偶占

連朝風雨暗書樓，養麥天成五月秋。
細葛香羅渾不用，輕寒將就子陵裘。

晚晴風散萬山霞，小院微涼清興賒。
手汲寒泉敲石

雙琴堂詩集

卷六

望

火烹茶新摘，忍冬花

石榴高接碧簷齊，璀璨新紅逗鳥啼。
却愛拓窓槐柳外，暮烟曉露叫鷺雞。

捲簾常看碧雲棲，坐對晴巒未覺低。
雨過更憐窓抹翠，郎峰新沐畫欄西。

爲客題秋花冊

奚墨輕磨淡寫秋，幾枝香萼逗閒愁。
誰憐佳色看將老，辜負歸期人倚樓。

題畫

秋吹老樹響蕭蕭，獨下寒山破寂寥。
拄杖暫停雙眼

豁詩情千里繪平橋

悼亡

哀病拋弓嘆世波，愁人那忍鼓盆歌。
殘膏剩馥猶閒事，爭奈癡兒幼女何。

輕盈三五賦歸吾，侍疾重闈每佐姑。
回憶厠膾親滌日，聲聲賢嬪耳猶呼。

身沒姑亡業盡灰，有無黽勉費徘徊。
饕餮一任炊烟斷，從不愁顏怨恥疊。

幾回客况囊如洗，屢戰秋闈願總違。
淚血已枯殤鬼倩，那堪爲我泣牛衣。

雙琴堂詩集

卷六

望

月下花時忍遽眠，茶湯佐讀手親煎。
而今壁失婆娑影，我自支頤誰解憐。

幾欲歸寧未得歸，依依魂夢戀慈帷。
寧知白髮翻先哭，泉路何由慰母悲。

依然庭院覺荒涼，家計憑誰善抵當。
稚子未知失恃痛，飢尋菓餌尙呼娘。

女嫁男婚願未償，知君此去幾回腸。
何堪地下雙親問，落拓愁翻爲我長。

環哭家人盡感恩，廿年辛苦莫煩冤。
酌君剩有鰥魚目，枕冷衾寒未忍溫。

花窖看花步樊桐沈君韻
山城那得艷新紅放眼爭誇黠化功簇簇畫欄矜富
貴衝寒誰憶雪山中

笑我尋春踏鍊鞋斷橋風雪覓無涯那知玉骨瑤臺
品竟逐筠筐擔向街

妙奪天工技自神目迷翻信假爲真問他黍谷鄒生
律何似程門滿座春

株守根荻慎護栽未能先着敢爭魁還期歷盡冰霜
厄春到枝頭也自開

步袁司馬賜題紫塞遊草元韻

雙琴堂詩集

卷六

四

花隱猶留半畝園枯株老屋綴荒村笑余秋蚓寒蟬
態漫望桐高百尺門

蹉跎老大悔應遲辜負趨庭訓學時橐筆未能窺雅
頌風雲月露總浮詞

偶隨盤辟探山步聊作敲推覓句還學語澁終羞舌
本輸他輕麗詡便嫻

詩傳白燕有誰羣酌水清操更著聞推激風騷裁僞
體愛名爭擬附青雲

王如之邀同卓德符登覺山

殘碑拂拭認佳名尙憶前人舊典型
先都諫別號覺山笑我

半生渾似夢何時喚醒倩山靈

名山原不尙嗟峨平遠須知蘊藉多寧翠嶺嵐憑指
顧菁葱佳氣轉中阿

憑將指顧暢遊情百里烟村入眼明好是秋勝眞繡
錯香浮禾黍繪新晴

日斜猶嬾賦歸遲傑閣重登覓舊題

閩有蔡觀
察遺詩

青裊

一痕天界淨依稀虛白湛塵思

客考城署中爲櫟樵題畫

竹梅寒鵲圖

梅點丹砂竹有筠寒香清節總超塵借棲好鳥休爭

雙琴堂詩集

卷六

壘

淖風雪經多自得春

五色牡丹圖

倩他妙筆擷雲霞五色纈紛簇牖紗香入夢中徵彩

鳳櫟樵無
子故云錦帷繡被好相誇

蓮鷺

靜植亭亭素所欽能於酷暑豁煩襟清香遠播來天
祿應鑒淤泥不染心

秋菊圖

爭惜天空木落時寒英獨有傲霜枝顛教冷眼迴三
逕不受黃蜂紫蝶欺

題畫松

展向空堂暑顛除聲疑謾謾起窓虛孤標已慣盟寒
雪肯羨秦封五大夫

哭伯姊阮孺人

舅亡姑病瘠蹉跎篋笥全空喚奈何針繭罷工操井
臼一生辛苦獨擔多

姑病瘵痺近十年飲餐藥裹善周旋可知窀穸謀方
畢地下相從亦快然

孤燈村館恨悠悠眉案長拋孰話愁天上有靈還記

取慰夫默佑子廻頭

雙琴室詩集

卷六

吳

遙盼家園幾斷腸如余貧賤最堪傷欲酬小小提携
愛祇有雙眸淚兩行

題西臺畫便面

游目何須北苑春拈毫如奪小將軍欲留粉本爲吾
券水木清華擬就君

題葦塘先生畫便面

幾點寒鴉噪晚枝荒齋獨坐湛秋思寒山千疊帆輕
過想見清風兩袖時

榆錢

榆莢垂垂春暮天韶光買盡擬金錢可知還逐風飄

散應笑人間子母權

餞春

作意留春春竟歸多情忍不惜芳菲落花流水添愁
思鳥散晴枝柳絮飛

雁字

清秋天氣碧於箋雁字行行筆陣連何必分明評點
畫張顛醉裏落雲烟
霜羣雲侶互飛揚不畫晴沙韻野塘曾說鴻文霄漢
煥此行寧懼海天長

染翰何須藉兔毫揮雲梯霧輿偏豪精神未遜公孫

雙琴堂詩集

卷六

署

舞仰面看花品格高

翼挾風雲勢宕夷幾行如寄海天思玉皇不管人間
事書向晴空欲問誰

答方靜齋寄師字韻

虛心真擬竹堪師雅韻清標俗可醫我欲紉蘭深佩
服不辭憔悴扈江離

至善曾聞自得師寧甘護疾忌相醫推敲爲憶長沙
簿交締昌黎未忍離

水仙花和韻

品格從人喚玉臺先時香爲蕙蘭催軼塵丰韻原清

絕瘦石寒泉也自開
斗室何由夢羽裳
素姿裊裊擬仙粧
爨齋老去誰能
貌瘦影凌波月未央

甲寅報罷用韻示載萬姪

撥爐頻自畫寒灰
有酒慵斟激灑盃
壯志未酬徒老
大光陰流水悵難回
放眸也擬拓閒愁
疊疊偏如蕉葉抽
課罷更闌人獨
坐鎖眉燈畔擁寒裯
人言憂患亦能傷
底事搔頭問彼蒼
經史三冬原足
用青熒燈火味須嘗

雙琴堂詩集

卷六

哭

莫教刻勵墮冥冥
且在風摧並雨零
燒葉讀書人不
苦可能時送老夫聽

謝董映兄分菊相餉

移種編籬幾度勞
客齋分餉荷情豪
徵吟索醉渾閒
事冷韻幽香最晚操
餐色餐香事事宜
可人別自有心期
霜橫雁叫天寥
廓醞釀寒光問有誰

喜楊春臺過訪留宿雙琴草堂

落葉盈階獨掩關
翩翩佳客竟衝寒
談文談獻聽無
厭燭剪西窓在漏殘

欵客慙無肴核陳依然羹粥味酸辛問他華燭瓊筵
座可有清談揮塵人

玉汝憂幽運漸屯清才苦志肯煩寃五侯鯖饋他年
貴記取寒宵齏菜根

小憇西菴贈自修上人

山市隣居莫禁譁蒲團一片靜紛拿層嵐暖翠閉雲
外清梵遙傳頌法華

維摩文室儘容人且坐茶來笑不噴綠雪一盃清澈
骨誰知撲面有紅塵

東粵西川任往還一肩瓢笠步忘艱普陀妙相峩眉

雙琴堂詩集

卷六

吳

佛時現澄心入定間

一窻臨水仿推篷穩似輕帆趁好風他日雲山幻烟
雨共誰詩思曩空濛

哭圻姪婦彭孺人

髫齡失怙最顛連母志難移更可憐寄養外家輕險
路塞垣風雪歷年年

五年眉案事無差黽勉同心泯怨嗟撒手塵埃翻抱
恨恐教兒女衣蘆花

翁歿姑孀淚已枯那堪哭婦撫雙雛痛孫並痛兒姑
另慘切聲聲孝婦呼

姊妹相依友愛敦不因箕箒有微言那知斷縷殘針
繭宛若關心盡淚痕

過上白羊村有談及先祖暨祖妣軼事誌之示

孫子

潔養南陔擬灌園忽傳五馬世交敦論文問道盤桓

久太守勞謙倚席門

呂松坪刺史訪余祖于白羊山舍以席蔽戶談輒竟日

傳宣聖諭解人頤香案團圞聽不疲里俗至今崇齒

讓風規猶自憶提撕

事善端須人善完社倉遺惠惜凋殘問誰繩武思興

復記取佳名號易安

雙琴堂詩集

卷六

手

會記垣南棗百株孳孫看剝七旬餘愴懷薦几親嘗

否血淚成詩紙盡濡

釵荆裙布效農妝露髓烟炊痛嫂亡摒擋衣簪籌塋

祭圖將和順慰高堂

晨昏奉罷事蠶桑春雨纏綿徹薦忙箔底篝燈鋪亂

草書聲紡韻自琅琅

浣衣漂絮就河濱蹊徑透迤日負薪結隊豺狼爭遠

避人傳慈孝感山神

求桑每出取山花栽遍牆陰燦若霞贏得孀姑豁老

眼彩衣掩映向人誇

